



Tablebirds FARM FRESH
real fresh chicken!

BAIM PNG MADE NA KAMAPIM MOA WOK

Tresari tok orait long ol provinsal baset - p2
Sensasip bai kukim ol samting nogut - p3
Ol tisa stat wok - p5

OTML salensim kot oda

- Papagraun i bung long Tabubil long stopim OTML long kisim oda
- OTML i gat plan long wok yet,
- Ol lain i kisim kot oda i no tru papagraun
- Kantri, Papagraun, kontrakta na wokman meri bai kisim taim sapos main i pas

Stanley Nondol i raitim

OK Tedi Maining Limited (OTML) i tokaut olsem em i salensim kot oda, na i gat hait plen i stap long wok maining bai go het na ol lain husat i kisim kot oda long OTML i no ken salim pipia i go long Ok Tedi na Flai riva i no tru papagraun.

Na ol papagraun i laik stopim OTML long kisim oda.

OTML Mensing Dairekta Nigel Paker i tok ol papagraun long OTML na Westen Provins i bung long Tabubil long stopim ol lain kisim kot oda long i no ken go na givim long OTML menesmen. Mista Paker i tok OTML bai rispek-

tim kot oda sapos menesmen i kisim. Long asde apinun Mista Paker i tok OTML i no kisim kot oda yet na wok maining i ran yet.

Mista Paker i tok Solisita Jenerel i stretim pepa wok pinis na i salensim dispela oda bilong papagraun long stopim OTML long i noken salim pipia go long OK Tedi na Flai riva.

Mista Paker i tok ol lain kisim kot oda i no tru papagraun. Em i tok ol tru papagraun bilong OTML i bung wantaim OTML menesmen long Tabubil na laik stopim OTML long kisim kot oda sapos wanpela loya o husat i win long kot i go na laik givim long OTML.

Nesenel Kot long Waigani long las wik Fraide i givim oda long OTML i no ken salim pipia bilong main i go long OK Tedi na Flai riva bihain long ol lida long Saut Flai i salensim long kot.

Ol papagraun bin askim tok long kam in bikos ol i tok pipia bilong main go long Flai na Ok Tedi riva i bagarapim envaironmen na laip bilong ol pipel.

Ol i tok tu olsem mani long sampela trast fan bilong givim sevis long pipel bilong Westen i pinis na ol i laikim kot long kam in na stopim.

I go moa long pes 2



Bogenvil Pis Agrimen

Ol yangpela bilong Bogenvil i danis na karim ol Awenes pepa bilong Bogenvil Pis Agrimen i go long Praim Minista long Mande taim ol i lonsim dispela program long Mande dispela wik.

Lukim stori long pes 2 na lukim Bogenvil raun poto long pes 12...



Painim CASH MONI bilong yu insait long KEN

"Painim CASH MONI insait long GLOBE na SITA Corned Beef or Mackerel ken"

Na kamap Wanpela LAKI WINA NAU!

Sapos yu painim displa ol CASH Moni:

- K1,000
- K500
- K100
- K50
- K10

"Aninit insait long ken" Go kisim CASH MONI bilong yu long Globe dealer or kelim **Globe Hotline 422 3066**

HARIAP!!!
Baim ol GLOBE na SITA ken mit or MACKEREL ken bilong yu NAU

Promosiun bai pinis long 31st December 2013

O'Neill givim K1.5 milien bel isi mani

Veronica Hatutasi i raitim

GAVMAN I tok sori long ol hevi na dai i bin kamap long Bogenvil moa long 20 yia i go pinis, na i givim K1.5 milien long wokim bel kol na kamapim bel isi.

Praim Minista, Peter O'Neill i tokaut long dispela samting long dispela wik Mande long Buka.

Samting olsem 1,500 pipel i bin bung long Bel Isi Pak long Buka taun long tok amamas long Mista O'Neill i mekim "Goodwill Visit" i go long Bogenvil.

Tupela astingting long

praim minista i go long Bogenvil em long autim tok sori long pipel long ol pen, hevi na dai i bin kamap long bikpela pait long ailan we namel long 15 na 20,000 pipel i bin dai.

Mista O'Neill i tok wan wan long ol 4-pela distrik long Bogenvil bai kisim K500,000 long mekim ol wok bilong sekan na stap bel isi.

Em I tok mani i stap wantaim Atonomas Bogenvil Gavman (ABG) na em yet bai dilim i go long ol 4-pela distrik bilong em.

Long wankain taim, Saut Bogenvil i bin wanpela long



Praim Minista, Peter O'Neill.

ol eria long ailan we pait i bin kamap strong na planti pipel i bin dai.

Olsem na ol pipel bilong dispela distrik Buin, Siwai, Bana na Torokina i bin ama-

mas tru na samting olsem 2,500 i bin bung long hetk-wata bilong ol long Buin long dispela wik Mande, na kamapim planti tumbuna pasin na wok long tok welkam long praim minista long ples bilong ol.

Ol pipel i bin karim Mista O'Neill i go long wanpela pletform ol i bilasim.

Taim Bogenvil Afeas Minista na memba bilong Saut Bogenvil i tok welkam long Mista O'Neill, em bin tok long nau, saut Bogenvil em i seif ples bilong go long en. Na em i amamas olsem praim minista i go lukluk

raun long ples bilong em ABG Presiden, Sif Dokta John Momis.

Namba tu astingting long wokabout bilong Mista O'Neill long Bogenvil em long lukim ol bikpela projek we gavman bilong em i tro-moim planti milien kina long ol.

Em ol rot, bris, helt na edukesen we i save givim bel is long pipel.

Mista O'Neill i bin tokim ol pipel long Buin olsem "planti taim pipel i ting olsem intres bilong gavman long Bogenvil em Panguna Main tasol, em i no olsem.

"Panguna i bilong ABG na ol papagraun long toktok long en.

"Wok bilong gavman i bilong kisim sevis olsem helt, helt, ol rot, bris, ples balus i go long pipel, " Mista O'Neill i tok.

Em i tok gvman i givim K500 milien long spesel reve-

niu grent long mekim na putim kolta long ol bikpela rot olsem Buka, Aropa na Buin, rot, Buka taun rot na Buka rot.

Em i askim ol atoriti long provins na ol distrik long no ken westim mani, tasol ol i mas wok bung wantaim na yusim mani long mekim wok long pipel i ken kisim sevis long en.

"No ken westim mani, tasol mekim wok long en. No ken holim mani na putim long tras akaun. No ken wokim korap pasin long mani ya," Mista O'Neill i tok. Antap long K500milien grent Bogenvil i kisim long stetim ol rot, bris, ples balus, helt na edukesen sekta,

Bogenvil i kisim moa mani long mani mak bilong K10 milien long ol wan wan pala-men memba bilong ol distrik, K15 milien we gavana bilong Bogenvil i kisim.

"Dispela I bikpela mani nesenel gavman I givim long Bogenvil, na yusim gut," Mista O'Neill i tok.

Tresari tok orait long baset bilong provins

Stanley Nondol i raitim

MINISTA bilong Tresari, Don Pomb Polye, i givim tok orait long 2014 baset bilong 12 pela provins pinis long mekim wok developmen na em i singaut long ol provins i no givim baste i mas kwiktait givim long kisim tok orait na mekim wok.

Ol 6-pela provins we Minista Polye i sainim tok orait las wik em; Westen Provins long mani mak bilong K346.5 milien, Galp provins K121 milien na Madang K239 milien.

Simbu provins husat i stap namba wan ples long sevis deliveri i givim baset bilong K232.37 milien.

Minista Polye i givim tok orait na em i tok amamas long Simbu provinsal gavman long gutpela wok long mekim gut wok long karimaut provinsal baset na i stap namaba wan ples long kantri.

Em I tok Simbu provins I bi-



MINISTA bilong Tresari, Don Pomb Polye.

hainim lo na polisi bilong yusim gut publik mani.

Bikpela provins long kantri, Morobe provins i kisim tok orait long K371.6 milien.

Minista Polye i givim tok orait long ol provinsal baset bi-hain long provinsal asembli i

givim tok orait bilong ol.

Minista Polye i bin givim tok orait long 6 pela provins pinis long Januəri. Em i tok ol provins husat i no givim baset mas haraip na wok developmen i ken stat kwik.

Mista Polye i salensim ol gavana bilong provins, edministreta na ol publik sevan long provins long yusim publik mani aninit long lo na i no ken paulim.

Em i tok ikonomi bilong kantri i gro na gavman bai apim baset long provins na givim moa mani long distrik na Lokol Levol Gavman.

O'Neill Dion gavman i lukluk long kamapim ol developmen long distrik long givim sevis long ol pipel. Mista Polye i tok distrik na LLG i mas kamapim bikpela projek wantaim develop-

men mani.

Long baset bilong Morobe i lukim 10 pesen bilong baset i go long wok bilong ol sios.

Gavana Kelly Naru i tok sios na gavman i mas wok bung na gavman bilong em i putim 10 pesen olgeta yia long baset long sapotim wok bilong sios long Morobe provins.

Minista Polye i tok wan wan provins i gat developmen nid bilong ol yet tasol em i moa gutpela long plen bilong provins i mas wankain olsem plen bilong Nesenel Gavman long mekim wok isi.

Long mun Februəri bai pala-men i kamapim Distrik Atoriti lo. Aninit long dispela ol bai ol distrik edministreta i gat pawa long ol publik sevan long distrik na ol wok developmen bilong distrik we nesenel gavman i givim mani.

Ol 6 -pela provins bai kisim tok orait long pepa long dispela wik long yusim 2014 baset long provins

OTML i salensim kot oda...

I kam long pes 1

Mista Paker i tok kantri, kontrakta, papagraun, na wokman meri bilong OTML bai kisim bikpela bagarap sapos main i pas.

Mista Paker i tok long 2011 OTML i givim K1.2 bilien i go long gavman long takis. Long 2012 OTML i givim K445 milien na K262 milien long 2013.

I gat 2,500 wokman meri bilong Papua Niugini i wok long main wantaim 2,500 lokel kontrakta.

Mista Paker i tok OTML i givim K35 milien long royalti long papagraun i go long Provinsal gavman na K24 milien long papagraun long 2013.

Mista Paker i tok sapos main

i stap bai i no gutpela long ikonomi bilong kantri.

Praim Minista Peter O'Neill i tok gavman i respektim disisen bilong kot tasol bai yusim apil rait long salensim kot oda.

Mista O'Neill i tok ol papagraun bilong ol bikpela risos long kantri i mas tingting gut long wanem samting bai

kamap long ikonomi, sosel na laip bilong ol papagraun yet na kantri taim ol i kisim i go long kot.

Mista O'Neill i tok ol loya i save kisim bikpela mani long fi bilong ol na bikpela pen bai ol papagraun napipel bilong kantri bai kisim.

Polis Ripot

Opis bilong Deputi Komisina bilong Polis Operesen i tokaut long 7-pela trabel i bin kamap. Tripela long Lae, Morobeprovins na foapela bilong Sentral na Nesenel Kapital Distrik (NCD).

NCD/Sentral:Ol polis bilong Gordons i holimwanpela man long

Gordonsmaket. Man ya Richard Onoko bilong ples Hagbis long Tari, Hela provins, ol polis i sekim emna kisim mariwana we em i holim stap. Em ii stap nau long Boroko polis rumgatnawetim kot.

NCD/Sentral:Ol sampela man i yusim wanpela krobana brukim dua bilong wanpela haus long Tokarara long Nesenel Kapital Distrik (NCD). Jaclyn Pinda i tok ol raskol i brukim dua, go insait na kisim wanpela Samsung DVD pilai ol i baim long K900, wanpela Kole-

mankandisinap long K1,800, wanpela PSI pilai stesin inap long K1,200, na wanpela 57 injFlet TV skrininap long K12, 899. Mani mak bilong olgeta samting lus em K50, 000. Ol i ripot long polis tasol polis ii no holim wanpela man yet naol imekim wok painimaut yet.

NCD/Sentral:Tripela saspek wantaim wanpela man Okafa long Goroka, i holim pistol na traimekim kisim wanpela Honda CRV kar long Gerehu bas stop. Gerehupolis i kam kamapna ol i lusim na

ranawe i go. Tasol ol polis i sutim man Gorokana ol i karim i go long St. John Klinik. Tupela arapela i ranawe i go. Wok painimaut i go het.

Lae: Wanpela man husat wok olsem Perol Menesa bilong PNG Fores long Bulolo, Morobe provins, ipaulim K228, 795.42 bilong kampani. Em yusim dispela mani long mekim ol wok bilong em yet. Saspek ya ol polis i kisim em na nau em i stap long Lae Polis rumgat na wetim kot bilong em.

Lae: Wanpela man long ples Pindu long Morobe provins i giaman na yusim nem bilong Sif Ekeseyutiv opisa (CEO) bilong Intenesenel Fud Koporesen (IFC) kampani long kisim sampela mani. Em i yusim pinis ol dispela mani na em ii go hait.Bihain ol i painimaut olsem em i wok mekanik long HidenVeli Main. Ol polis i kisim em na putim em long rumgat long Lae polis stesin. Em iwetim kot nau.

Gavman tok orait long senisim viles kot Lo

Gavman i tok orait long Viles Kot Amendmen Bil long taim Palamen i bung gen long dispela yia.

Praim Minista Peter O'Neill i tok gavman i tok orait longmekim senis long Viles Kot (Amendmen) Bil 2013.

Em i tok Viles Kot sistem we i sanap long Sekesen 172 bilong nesenel konstitusen taim bilong kisim independense long 1975.

"Dispela sistem i bin wok insait long PNG aninit long Viles Kot Ekt i kam kamap 1989 taim taim namba wan senis long olpela lo i bin kamap.

Ol poin daunbilo em ol astingting bilong dispela senis;

- Bai mekim ol senis i kamap nau long Viles Kot Ekt 1989 long ol senis, konflik na ol isu long viles na bilong ol settlemen we pipel i wok long kam insait long ol taun na siti wantaim ol pasin kalsa bilong ol;

- Bai strongim wok bilong viles kot long lukautim rait bilong ol meri na pikinini na adresim vailens long ol komyuniti;

- kliarim olsem viles kot bai bihainim konstitusen long lukautim rait bilong ol pipel husat i go kot;

- Putim mak long namba bilong ol viles kot opisal long wan wan viles kot long menesim na na makim gut long we bilong makim na movim ol opisal na;

- Strongim wok bilong Distrik kot long Lukautim wok bilong Viles Kot long apil na riviu.

Praim Minista i tok Viles Kot i save mekim bikpela wok long lo na oda isu insait long taun na siti na long ol ples we planti manmeri i save stap.

Sensasip opis bai kukim ol samting

SENSASIP opis bilong Papua Niugini bai kukim ol samting we lo i tok nogat long karim i kam insait long kantri. Dispela opis i bin kisim moa long 20,000 samting we lo i tambu long karim i kam insait long kantri. Bai ol i kukim ol long mun Mas dispela yia.

Sinia enfosman opisa PovetaPosai tok ol enfosman opisa bilong sensasip opis i painimaut ol dispela samting na ol i nau stretim na rekotim stap bipo long ol bai i kukim ol.

Em i tok ol enfosman opisa i bin kisim 413 SeksEnhansenmenProduk (SEPs) wantaim pilaiboipiksa buk na ol arapela sekstoi. Ol i kisim tu planti ol DVD rekot moa long 22 416 kopi. Bai ol i brukim na kukim ol dispela samting.

Deputi Sif Sensa Jim Abani i tok sensasip opis i wok bung wantaim Kastom Ejensi, PNG Pots Koporesen naPos PNG, long sekim na kisim kain samting olsem. Ol dispela samting i no gutpela long salim long kantri. Ol pipel i save hait na karim kam insait long kantri tasol ol enfosman opisa save wok gut na rausim ol dispela samting.

Ol samting ol i bin kisim namel long 2011 na 2012. Planti bilong ol em PNG Kastom Sevis na Post PNG i bin kisim.



Sinia Enfosman opisa Misis Posa(right) wantaim enfosman opisa Richard Tabel (left), Eunice Kavon naGerea Kapa (back) i lukluk long ol SEPs taim ol i stretim.



Enfosman Opisa Gerea Kapa (lephan) na Richard Tabel (right) i stretim ol SEPs taim MisisPosaisupavaisim ol. Piksa i kam long Sensasip opis.

Goroka i gat nupela taun menesa

Sape Metta i raitim

GOROKA, biktaun bilong Isten Hailans i wok long gro bikipela na populesen tu i wok long gro i go bikipela tru klostu long wan handet tausen. Olsem na wok bilong bringim ol sevis wara saplai, suris sistem na senitesen na rausim pipia bai wanpela bikipela wok na salens tru.

Provinsal edministresen i makim nupela taun menesa, Harold Abori nau long go pas long mekim dispela wok long lukautim Goroka taun.

Ekting provinsal edministreta Bill Kavanamur i bin kamap long lukim nupela taun menesa i kisim wok.

Em i tokim ol wokmanmeri bilong GULLG taun atoriti olsem ol i mas wanbel, wokbung na wok aninit long

menesa long muvim wok i go het na bringim sevis i go long ol pipel bilong taun.

Em i tok, "Provinsal edministresen i mekim apoinmen bilong nupela taun menesa na yupela mas wok aninit long em."

Mista Kavanamur i tok, pemenen apoinmen bilong taun menesa i kam long opis bilong provinsal edministresen, long wanem, luksave em i stap long eksperiens bilong Mista Abori, olsem na edministresen i apim em i go antap long kamap menesa bilong Goroka taun.

Mista Abori husat i bin wok olsem deputi taun menesa i kisim ples bilong olpela ekting taun menesa Uturo Ekesae.

Mista Ekesae i kisim wok bilong ekting asisten edministreta bilong Goroka Distrik.

Fast Loan Approval
Flexible Repayment Terms
Competitive Interest Rate

TIME TO THINK ABOUT A BSP PERSONAL LOAN

Apply now at your nearest branch
 320 1212 / 7030 1212 - 24/7
 servicebsp@bsp.com.pg
 www.bsp.com.pg

BSP
 Official Sponsor of the 2015 Pacific Games

Savaiviri hauslain i laikim tru gavman sevis

Sape Metta i raitim

PLANTI komyuniti insait long ol hauslain na ples i no save kisim gavman sevis olsem helt, edukesen na ol arapela sevis bihain long PNG i bin kisim independens na self gavman.

Wanpela long ol em Savaiviri – Loutova hauslain long Mailovera LLG klostu long Malalaua distrik long Galp provins.

Dispela hauslain i no bin lukim sevis bilong gavman i go kamap long ol, long wanem, ol lida husat i makim ol i no save lukluk na bringim sevis i go daun long ol.

Hauslain komyuniti lida, Lousi

Mealovaea, i tokim *Wantok Nius* olsem long taim bilong ol hevi, ol pipel bilong Savaiviri – Loutova i save kisim taim, long wanem, ol i save ran i go long longpela rot long kisim helpim.

Em i tok ol skul, stat long ele-menteri na i go antap long gret 8 i no wok long wanem, i no gat tisa na ol gutpela klasrum. Na ol arapela samting olsem ol buk na ol arapela materiel bilong ol tisa long yusim long skulim ol sumatin.

Mista Mealovaea i tok long sait bilong helt, viles i bin kisim wanpela etpos, tasol dispela etpos i wok liklik taim tasol na i pas gen. Na em i pas inap moa long 20-krismas, long wanem, em i no gat

marasin na wokman long wok. Em i tok, nau yet etpos i stap gut, tasol em bai op sapos provin- sal na nesanel helt dipatmen i kisim ol wokman na tu, putim ol marasin long ranim dispela etpos.

Mista Mealovaea i tok, Savaiviri – Loutova hauslain i gat moa long wan manmeri. Na long taim ol i laik kisim gavman sevis olsem helt na lo na oda, ol i save go long Terapo misin stesin na Malalaua.

Em i askim gavana bilong Galp, Havila Kavou, na nesanel gavman long kirapim bek dispela etpos na bringim developmen bilong edukesen i go long Savaiviri – Loutova hauslain.

ETPOS I PAS LONGPELA TAIM: Komyuniti lida bilong Savaiviri, Loutova hauslain em Lousi Mealovaea i soim etpos bilding we i bin pas i stap moa long 20 yia. Etpos i stap gut. Tasol em i nidim ol marasin na wokman. **Poto: Sape Metta**

Salim tumbuna marasin long strit

Isaac Liri i raitim

LONG Papua Niugini, ol lain bipo i bin gat ol tumbuna marasin bilong ol i stap, na ol i bin save yusim ol dispela marasin long mekim orait ol sik manmeri.

Dis wik taim *Wantok Nius* raun long Boroko long Pot Mosbi, *Wantok Nius* i bungim Susan Nguna bilong Salamaua long Morobe Provins.

Susan i save salim Nguna jus marasin, na em i tok dispela jus em marasin stret bilong ol tumbuna bilong ol long Salamaua.

Ol i mekim Nguna jus long Morobe, na bihain ol i save salim i go long ol arapela ples long Papua Niugini na ol manmeri i save salim, baim na dring.

“Dispela Nguna jus em mipela yet i wokim. Ol tumbuna i skulim mipela, na mipela gat save long wokim dispela marasin.

Dispela Nguna jus marasin em mipela wokim long ol diwai na lip bilong bus,” Susan i tok.



Susan Nguna salim Nguna marasin long Boroko.

Susan tokim i *Wantok Niuspepa* olsem wanpela meri husat i gat sik AIDS i save kam baim Nguna jus marasin long em, na Susan i tok olsem dispela meri i pilim orait taim em i stat long dring Nguna jus marasin.

Dispela jus marasin i bin kisim nem Nguna long wanem, famili husat i save mekim dispela marasin em

Nguna famili bilong Salamaua.

Wanpela man bilong Ki-unga long Westen Provins tokim *Wantok* olsem em i save pilim pen long join bilong em, na long taim em i baim na dring dispela jus marasin, em i pilim orait.

“Nguna jus marasin i save helpim ol manmeri husat i gat kain kain sik tu,” Susan i tok.

Simbu laim ston projek kisim K20m

Stanley Nondol i raitim

LAIM ston projek long Simbu provins i kisim K20 milien long statim wok fisibiliti stadi. Nesanel gavman i sapotim dispela bikpela projek bilong tanim laim ston i go kamap simen

Simbu provins i sindaun antap long laim stone na gavman i givim tok orait pinis long bai kamapim bikpela projek insait long kantri.

Las wik Minista bilong Tresari Don Polye i givim tokrait pepa long gavana bilong Simbu Noah Kool olsem nesanel gavman i givim K20 milien long statim wok fisibiliti stadi ol wok bilong painimaut moa dispela projek.

Dispela K20m em I hap bilong K176 milien we gavman tok em bai givim long kirapim dispela proje.

Minista bilong Pablik En-

taprais Ban Micah i tok ol bikpela projek olsem bikpela hairdo pawa projek bai kamap long Galp provins na sampela bikpela projek i nidim ol cemen dast long wokim strongpela cemen bes.

Mista Micah i tok kantri i nogat dispela risos na i save baim long ovasis. Em i tok gavman bai sapotim dispela projek long kirap na sapotim ol arapela projek long kantri.

Simbu provins i no gat risos olsem kopi ol ti plentesin, timaba, mining na ol arapela risos bilong mekim winmani bilong kantri.

Dispela laim ston projek bai nama wan projek long provins. Ol pipel long provins i amamas long dispela projek na nesanel gavman i sapotim na laik lukim dispela projek i kamap hariap.

Long wankain taim Simbu gavana Noah Kool i tok Simbu provins i no gat risos

na em i tok provinsal gavman i lukluk long bildim humen risos long provins wantaim provinsal baset.

Mista Kool i tokaut long 2014 baset, provinsal gavman bai bildim wanpela tisa koles wantaim nening koles long haus kisim.

Mista Kool i tok provinsal gavman bai bildim ol haus bilong dokta bilong Kundiawa haus sik na sapotim distrik long sanapim ol haus bilong tisa na na ol wokman meri bilong haus kisim.

Mista Kool em i olupela Kumul pilaia i tok provinsal gavman bai sanapim wanpela bikpela stedium long Kundiawa

Em i tok provinsal gavman bai painim developmen patna long kirapim ol dispela projek. Em i mekim dispela toktok taim em i givim provinsal baset i go long Tresari ong Pot Mosbi las wik.



Bipo Eksektiv Dairekta, Romulo Arancon i givim wok i go long Mista Salum

PNG man i dairekta bilong APCC

SIAMAN bilong PNG Kokonas industri Koporesen, Uron Salum i kisim wok olsem Eksektiv Dairekta Asia Pasifik Kokonas Komyuniti (APCC) long las wik long Jakarta, Indonesia.

Dispem em i namba wan taim long 45 yia long histori bilong APCC long lukim wanpela lida bilong Pasifik Ailan kantri i kisim dispela posisen. Ol lida long Asia i save olim dispela posisen.

Seketeri bilong Komias na industri, John Andrias na Menesing Dairekta bilong Kokonas Industri Koporesen, Dokta James Kaiulo i witnessim dispela long het opis bilong APCC long Jakarta.

APCC i bin kamap long aninit long Yunaites Nesen Ikonmik na Sosel Komisn bilong Esia na Pasifik (UN-ESCAP).

I gat 18 memba kantri bi-

long planim kokonas na i save saplaim 85-90 pesen bilong wol kokonas ekspt.

Mista Salum i kisim dispela wok long 49 APCC Ministerial miting long Nadi, Fiji long Januəri 29, 2013. Em bai holim dispela wok long 3-pela yia.

Mista Salum i bung wantaim olupela Eksektiv Dairekta, Romulo N. Arancon long tupela de na toktok long ol wok bilong APCC we Mista Aracon i mekim long ol yia i go pinis, i go long han bilong Mista Salum bai go het na mekim olsem nupela dairekta.

Mista Andrias na Dokta Kaiulo i tok tenkyu long Mista Romulo long gutpela wok em i mekim long 7-pela yia.

Mista Salum i gat bikpela eksperiems long wok bilong kokonasindustri olsem na em i i kisim bikpela luksave

long APCC long kamap boss man bilong 18 pela kantri bilong APCC.

Mista Salum i bin wok olsem Dairekta bilong PNG Kopra Marketing Bod, Deputi Siamen bilong Kokonas Rises Institut, Dairekta bilong PNG Kakao Kokonas Ekstensen Ejensi, Profesenel na Teknikel Advaisa bilong Madang Provinsal Gavman, na Siaman bilong PNG Kokonas Industri Koporesen.

Em i bin stap long planti ol bikpela miting bilong APCC na i save gut tru long wok bilong APCC.

Namba wan samting Mista Salum bai mekim em long ogenaisim 50 APCC Ministerial miting bai kamap long Federel Stet bilong Maikronesia long 11- 13 Februəri 2014, na 46 APCC kokotek miting bai kamap long Kolombo, Sri Lanka.

Ol Tisa stat wok

Maket i sapatim famili

Isaac Liri i raitim

Laip long siti em i hat wok tru sapos yu wanpela man o meri husat i no save long rot bilong painim mani na sapatim yu yet na famili bilong yu.

Camilus Gori em i wanpela man nating bilong Maprik long Is Sepik Provins. Em i lusim ples bilong em longpela taim pinis na i kam stap long Pot Mosbi.

Bipo Camilus i bin save wok olsem wanpela Didiman long Abau long Sentral Provins, tasol bihain taim kontrak bilong em i pinis, em i no gat wok na em i stat long mekim maket long sapatim em na tupela liklik pikinini man bilong en.

Taim kontrak bilong em olsem Didiman i pinis, meri bilong em tu i bin lusim em wantaim tupela pikinini.

Camilus i no save wari long wanem, em i save kisim gutpela mani taim em i salim ol prut. Na em i yusim mani long baim kaikai, klos, skul fi, na tu ol arapela samting ol pikinini bilong em i laikim.

Camilus tokim *Wantok Nius* olsem em i save long planti ol didiman insait long Sentral Provins, na em i save baim prut long ol na kam salim long siti.



Camilus i salim ol kain kain prut long Sentral Waigani long Mosbi. Camilus i tok em i save laik maket klostu long ol opis, long wanem, ol opis manmeri i save laik kaikai ol prut long traipela san.

SEKETERI bilong Edukesen Dokta Michael Tapo i tok olgetatisai mas pulapim Risamsen bilong Duti Sameri pepa.

Dispela pepa bai i soim olsem ol i stat wok long taim stret. Dokta Tapo i mekim dispela toktok long toksave long ol tisahusat i stat wok long dispela wik.

Em i tok dispela pepa wok i bikpela samting bikos em i toksave olsem ol tisa i stat wok long taim stret long skul na konfemim posisen we Nesenel Edukesen Bod (NEB) o Provinsal Edukesen Bod (PEB) i makim long dispela yia.

Dokta Tapo i tok, dispela pepa tu bai i mekim ol tisa i kisim pe long dispela yia.

Em i tok, ol prinsapol, hetmasta, menesa o Senia tisa husat i stap long skul long fes de bilong wok mas sekim gut ol infomesen long RoDSS, na ol i mas sainim.

Ol i mas salim i go long Provinsal Edukesen Opis bilong ol tisa long provinsal institutsen na bai go long ol wanwan Asisten Seketeri long het opis long Waigani. Bai ol i sainim na givim long Perol Sevis Brans (PARS).

Dokta Tapo i tok sapos RoDSS bilong ol tisai no kam long Waigani long Februari 28, 2014, ol bai kisim las pe bilong ol long pe namba 5 long pe de Mas 7, 2014.

Em i tok ol tisa husat RoDSS bilong ol i no kam kamap long Waigani long Februari 28, 2014, bai sistem bai rausim ol long pe bilong ol long pe namba 6 long pe de Mas 21, 2014.

Bihain long ol suspend long pe, ol bai putim ol i go bek long perol sapos ol i mekim ol samting daunbilo;

- Provinsal Edukesen Atoriti i ken toksave long Waigani na putim kopi bilong RoDSS bilong tisa;
- Ol tisa mas pinisim RoDSS na salim i kam long Waigani;
- No gat wanpela tisa em yet bai kam na toktok long pe bilong em long PARS; na
- Ol bai no inap kisim husat tisa i kam em yet na givim RoDSS long PARS.

Bai ol i putim ol nupela greduet tisa long perol taim ol i kisim ol infomesen daunbilo;

- Kopi bilong setifiket pepa ;
- Kopi bilong tisa rejistresen;
- Komplet Tisa Rekot ov Apointmen (TROA); na
- Risamsen ov Duti Sameri Sit (RoDSS).

Dokta Tapo i singaut long ol opisa i wok long stretim ol Risamsen long mekim gut wok na sekim ol gut na salim i kam insait long ol de we i stap pinis long skul yia.

Em i tokim ol opisa long provins i ken kisim moa infomesen long sekula namba 65 bilong Seketeri i bin kam pinis long namba nain mun long las yia.

Tapo tokim ol skul long salim infomesen hariap

Seketeri bilong Edukesen Dokta Michael Tapo i tok olgeta skul i mas givim ol infomesen gut long Mesamen Sevis Brans.

Em i mekim dispela toktok bihain longwanpela ripot ikamap long niuspepa i tok ol papamama i no wanbel long selekesen bilong gret 12i go long ol bikpela skul.

Dokta Tapo i tok dispela stori i kamap long pes 10 bilong National Niuspepa long Januari 23 i toktok long BusuSekenderi skul long Lae husat i no bin salim ol infomesen hariap long MesamenSevis Brans bilong Dipatmen bilong Edukesen.

Dokta Tapo i singaut long olgeta

sekenderi skul long bihainim gut kalenda we Mesamen Sevis Brans i save givim long ol praimer skul na sekenderi skul het tisa long stat bilong wanwan skul yia.

Dispela kalendai tok save longwanem taim ol skul bai salim infomesen i go long Mesamen Sevis Brans.

Em i tok sapos wanpela skul i no salim kam hariap, dispela i save stapi-mol long mekim wok hariap long stretim ol gret 10 na 12.

Em i tok moa olsem taim ol skul i no save salim ol infomesen hariap, em i save pulim wok kam bek long stretim mak bilong ol gret 10 na gret 12 na tu long wokim setifiket bilong ol.

Dokta Tapoi tok, sapos wanpela skuli no salim gut ol infomesen, em bai holim bek olgeta wok olsem na olgeta skul i mas salim ol infomesen hariap bilong husat gret 10 o gret 12 bai sindaun long eksam.

Em i askim olgeta skul prinsapol long ol intenel (skul bes) asesmen i mas stretna i tru bikos ol i save skelim dispela mak wantaim ol fainol eksam. Intenel mak wantaim nesenel sksami save karim wankain 50 pesen mak long kisim fainol ansa long setifiket i gat nem bilong Seketeri bilong Edukesen.

Dokta Tapo i tok gret 10 setifiket em i pepa i save mekim ol sumatin i go long gret 12 na tu, ol studen bai yusim long go long ol nara-pela skul o long painim wok long bihain taim.

NECgivim K1.5 milien long skruim skul sevei

Kolopu Waima i raitim

Nesenel Eksekutiv Kaunsil (NEC) i tok orait long K1.5 milien long skruim skul sevei ripot i go long Jun 2014.

Praim Minista Peter O'Neill i tok gavman i lukluk long hevi bilong holim bek ol projek mani na mekim wok.

Mista O'Neill i tok gavman tu i tok orait long Smat teknoloji olsem tul bilong kisim infomesen,

na putim long kompyuta na ol skul i keni salim i go long Dipatmen bilong Edukesen long kisim kwaliti skul infrastraksa, wok bilong ol tisa na wok bilong ol sumatin.

Nesenwaid Skul sevei TasFos i stat wok longmun Me 2103 long traिम yusim tekenoloji na givim infomesen.

Praim Minista i tok ol projek bai givim planti helpim long kantri, wantaim ol sampela ol narapela

samting daunbilo;

- Givim aut moa gutpela na trupela infomesenwe gavman bai yusim olsem plening tul bilong nesenel gavman long kamapim mani polisi;
- Dipatmen bilong Edukesen bai yusim ol dispela infomesen long mekim wok bilong en i kamap gut aninit long edukesen Ekt;

- Gutpela infomesen bai winim tingting bilong ol ausait kantri we ol i save sapatim PNG;
- Kamapim trupela kos bilong mani we edukesen Dipatmen bilong PNG bai nidim;
- Kirapim tingting bilong Dipatmen, ol tisa na studen;
- Gat gutpela baset bilong gavman polisi long skul fi fri edukesen, skul fi fri komoditi

saplai na kompalseri edukesen.

"Dispela wok bai mekim ol open memba bilong Palamen bai lainim na save long ol hevi, we fri edukesen mani i go na bod ov menesmen problem long skul long distrik bilong ol," Mista O'Neill i tok.

Emi tok long taim i gat gutpela infomesen, bai mipela givim ol risos gut na stretim ol problem gut.

Man baim K500 long putim piksa nogut

WANPELA man long Is Sepik i baim K500 bikos em i putim moa long 1,000 piksa nogut long komputa bilong wanpela skul long Maprik.

Maprik polis stesin Komanda Richard Rafa i mekim dispela toktok bihain long em i kisim moa stori olsem sampela pipel i mekim piksa nogut.

Em i tok ol polis i ting olsem sampela manmeri bilong Maprik distrik i wok long mekim piksa nogut.

Mista Rafa i tok ol i kisim sampela infomesen pinis nai mekim wok painimaut nau.

Em i tok ol polis i kisim pinis infomesen nahusat man o meri i wok long mekim dispela pasin i

stap bai kisim taim.

Mista Rafa i tok, polis i wok long painimaut na kisim ripot bilong husat tru i mekim ol dispela pasin stap.

Em isingaut go long ol Memba bilong Palamen naNesanel Gavman long kamapim wanpela lo long kontrolim kain pasin i gro bikipela na bai bagarapim kantri.

Sikspela man baim K1,600 long paitim man na bagarapim kampani kar

KOT i tokim 6-pela man long baim K1,600 long paitim wanpela wokman na bagarapim kar bilong kampani.

Ol dispela sikispela man bilong ples Turubu long Is Kos bilong Wewak, Is Sepik provins. Ol i tok ol i bin dring spak na paitim dis-

pela man long Turubu Oil Palm Kompaun long Januəri 3.

Ol i tokim Mejistret David Susame olsem ol i belhat bikos wel pam kampani i kisim ol wok man long ples Kep na les long kisim ol Turubu husat i papa graun we wel pam i stap long en.

Mejestret i tok i gat planti rot i stap long stretim dispela hevi.

“Stretpela rot em yu inap long petesenim bosman bilong kampani na ol bai givim ansa,” em i tok.

“Pasin bilong yu long dispela taim em i no gutpela bikos yu dring tu na kam,” em i tok.

“Kain pasin yupela mekim i no gutpela. Em i kraim nogut stori go aut na ol narapela kampani husat laik tingting long kam tu long ples bilong yupela bai no inap long kam. Dispela bai mekim yupela i kisim taim,” em i tok.

“Mi inap long salim yupela go long kalabus tasol hauskalabus i pulap. Olsem na yupela wanwan bai baim K200. Tupela man husat i bagarapim samting bilong kampani bai kisim K400.

Yupela olgeta bai bungim K 3,172.60 na baim franglas bilong kar yupela bin brukim,” Mejestret Susame i tok.

Wanpela man mekim pasin nogut long liklik gel

Wanpela yangpela man husat i gat 18 krismas i grisim wanpela liklik gel i gat 4 krismas na karim em i go long haus bilong em na mekim pasin nogut.

Dispela trabel i bin kamap long 5 Mile insait long Nesanel Kapital Distrik (NCD). Dispela liklik gel bilong ples Gounu long Lufa, Isten Hailans provins.

Ol lain bilong em i kisim gel ya i go long haus sik long medikol sekup. Polis i no kisim dispela man tasol ol wok painimaut i go het yet.

Long wankain taim, wanpela man long ples Pindu long Morobe provins i giaman na yusim nem bilong Sif Ekeseiyutiv opisa (CEO) bilong Intenesenel Fud Koporesen (IFC) kampani long kisim sampela mani.

Em i yusim pinis ol dispela mani na em i go hait. Bihain ol i painimaut olsem em i wok mekanik long HidenVeli Main.

Ol polis i kisim em na putim em long rumgat long Lae polis stesin. Em i nau wetim kot bilong em.

Polis ripot i tok wanpela man husat wok olsem Perol Menesa bilong PNG Fores long Bulolo, Morobe provins, i paulim K228, 795.42 bilong kampani.

Em yusim dispela mani long mekim ol wok bilong em yet. Saspek ya ol polis i kisim em na nau em i stap long Lae Polis rumgat na wetim kot bilong em.

Long Nesanel kapital Distrik (NCD), ol raskol i yusim wanpela kroba na brukim dua bilong wanpela haus long Tokarara.

Jaelyn Pinda i tok ol raskol i brukim dua long haus bilong em, go insait na kisim wanpela Samsung DVD pilai ol i baim long K900, wanpela Kolemankandis inap long K1,800, wanpela PSI pilai stesin inap long K1,200, na wanpela 57 ins Flet TV skrin inap long K12, 899.

Mani mak bilong olgeta samting lus em K50, 000. Ol i ripot long polis tasol polis ii no holim wanpela man yet na ol i mekim wok painimaut yet.



PNG POWER Ltd

PNG PAWA LONG KOKOPO NAU I GAT 24 AUA SENTA BILONG RINGIM

Ol pipel bilong Kokopo nau i gat wanpela telepon ol i ken ringim long olgeta taim sapos ol i gat sampela hevi o askim long PNG Pawa.

Stat long Novemba 2013 PNG Pawa i bin putim dispela telepon namba bilong ol lain i ken ringim na i kam inap nau, planti lain long Kokopo i wok long yusim dispela telepon namba long toktok wantaim PNG Pawa.

PPL Kokopo Bisnis Menesa, Peni Diave i tok dispela sevis senta i givim gutpela sapot long ol woklain bilong PNG Pawa Kokopo tim long kisim ol singaut bilong ol kastoma na bihainim gut long stretim hevi bilong ol.

“Pastaim long dispela kol senta i kamap, ol kastoma i save ringim ol mobail namba bilong mipela na ol namba bilong opis tasol mipela i no save holim gut rekot bilong ol na ol i no save kisim gut helpim. i no bin gat gutpela oda,” Mista Diave i tok.

Nau wantaim nupela 24 aua sevis senta, Mista Diave i tok ol i ken bi-

hainim gut ol singat bilong ol kastoma na stretim gut ol hevi bilong ol na tu ol inap long gat rekot bilong ol wok i kamap.

Namba bilong ol kastoma long Gazelle pawa grit i wok long go bikipela olsem na dispela kol senta bai i ken helpim long givim gutpela sevis long ol.

Nau yet, i gat tripela woklain i stap long lukautim dispela senta long wan wan de na ol i save senis, na sampela moa woklain bai i kam insait long bihain long ol i opim senta.

Mista Diave i tok moa olsem dispela em rot PPL long Is Nu Briten bai i bihainim long bihain olsem na menesmen i laik mekim ol samting bai i givim gutpela sevis long ol ol kastoma bilong ol.

Ol kastoma bilong pawa long Kokopo i ken ringim PPL 24 aua sevis senta long telepon namba **982 9105 o 982 8403**. Ol i ken salim email tu long **24hrcallcentrekpk@pngpower.com.pg**.



Main entrens bilong 24 Aua Sevis Senta



Wokman helpim kastoma



24 Aua Sevis Senta



Tred, Komes na Industri Minista Richard Maru i givim setifiket long wanpela bilong ol 500 meri husat i pinisim trening bilong Fainens Literesi Program long Sohe.

SOHE meri pinisim trening long fainensel literesi

MOA long 500 meri long Sohe Distrik long Oro Provins i pinisim wanpela trening bilong fainensel literesi long wantaim helpim bilong Sohe Memba Delilah Gore na Nesenel Developmen Benk (NDB).

Dispela trening em i bilong soim ol meri bilong Sohe long kisim save bilong wokim bisnis na long kirapim tingting bilong ol yet wan wan long wokim ol liklik na namel sahis bisnis.

"Planti bilong ol dispela meri i no save rit na rait na sampela i gat liklik skul tasol dispela i no ken kamap olsem wanpela bikpela banis long ol i mekim bisnis," Misis Gore i tok.

"Mi laikim ol meri i mas kisim strong long kirap na kam aut long naispela ples bilong ol i sindaun isi, isi na mekim sampela bikpela samting long helpim famili bilong ol. Na dispela trening em i namba wan rot bilong kirapim ol olsem," em i tok.

Meri i go pas long dispela

trening, Mary Pohei bilong Pohei Vokesenel Trening Literesi Program i tok dispela program em ol i bin kamapim long mak bilong ol gras rut lain husat i no gat bikpela skul. Skul bilong statim bisnis ol dispela meri i kisim em i stat tasol bilong planti moa gutpela skul bai i kam bihain.

NDB i soim gutpela bel bilong ol long pinis bilong trening wik wantaim tupela mekpas bilong dinau, wanpela bilong statim bisnis na narapela bilong mekim i go bikpela, aninit long Wimen in Bisnis Des.

NDB Rilesensip Menesa bilong Wimen in Bisnis, Janet Kaule i tok NDB i gat bikpela plen long strongim ol meri long wokim bisnis na long givim ol moa trening pastaim long ol i ken lukim benk long kisim dinau mani bilong wokim bisnis.

"Mipela i laikim ol meri i mas kisim sampela kain trening na bai em i ken helpim ol long kamapim gut bisnis na long wankain taim

ol i ken bekim dinau bilong ol," Misis Kaule i tok.

"NDB i save laik helpim ol lain long kisim moa save long lukautim mani bilong bisnis bilong ol na kain trening program olsem i save kisim bikpela sapot i kam long benk," em i tok.

Em i givim gutpela toktok long ol lain i kisim trening tu long ol i mas stat long sevim mani na mekim olsem pasin bilong ol long bungim mani long benk pastaim long ol i ken askim long dinau mani. Em i singaut long ol tu long opim ol seavings na bisnis akaun wantaim Pipels Maikro Benk Limited long Popondetta taim ol i opim bihain long dispela yia.

Tred, Komes na Industri Minista Richard Maru i givim ol setifiket na i tok em i givim bikpela luksave long Memba bilong Sohe long helpim ol meri long ilektoret bilong em long kisim dispela kain gutpela trening. Em i tokim ol meri long ol i mas yusim gut dispela trening ol i kisim na

no ken westim nating.

"Dispela kain trening em i bikpela samting tru tasol yu mas mekim em i wok long yu. Olsem na yupela i mas statim ol bisnis bilong yupela, lainim long sevim mani long benk na mekim ol driman bilong yupela i karim kaikai." Mista Maru i tok.

Em i tokim ol meri olsem, planti wok painimaut long wol i soim olsem o meri menesa i luksave olsem 70 pesen bilong mani ol i kisim long bisnis em ol i save yusim long lukautim famili bilong ol na long sevim long benk. Sapos ol meri long wol inap long mekim olsem, i no gat wanpela samting i ken stopim ol meri long Sohe long mekim wankain na kamap win meri olsem.

Long kirapim moa tingting bilong ol meri, Misis Gore i givim tok promis long opim wan wan seavings akaun bilong 500 o moa meri wantaim Pipels Maikro Benk Limited long Popondetta taim ol i opim long dispela



Yut, Meri na Famili

Pastor
Barbara Lunge

Amamas long gutpela pasin bilong God

EM i taim nau long dispela nesen i amamas long lukim 2014 wantaim bikpela tenkyu long God Papa, man i kamapim yumi na Bikpela Jisas Kraus, man bilong kisim bek yumi, long opim dua bilong yumi kisim ol gutpela samting i stap long ai bilong yumi nau.

"Dispela man i tok moa olsem, 'Na yu mas raitim sampela tok long ensel bilong sios i stap long taun Filadelfia. Dispela tok i olsem, 'Mi holi tru, na mi as bilong pasin i tru. Mi holim ki bilong Devit, na samting mi opim, i no inap wanpela man i pasim. Na samting mi pasim, i no inap wanpela man i opim. Mi salim dispela tok i kam long yu. Mi save pinis long olgeta pasin yu save mekim. Orait lukim. Long pes bilong yu, mi putim dua i op i stap, na i no gat wanpela man inap long pasim. Mi save olsem yu gat liklik strong tasol i stap yet, na yu bin bihainim tok bilong mi, na yu no bin givim baksait long nem bilong mi.'" (Kamapim Tok Hait 3:7, 8)

I gat tupela as tingting long yumi save laik lukim ol dispela gutpela samting: Namba wan, ol lain i stap yet na i planim samting wantaim aiwara bai i kisim kaikai wantaim bikpela amamas i pulap tru long ol gutpela samting bilong spirit na long bodi. Long dispela yia bai yumi kisim liklik tasol wanem samting bai yumi kisim taim kantri i kamap 40 yia olsem independen kantri long 2015 taim PNG i kamap olsem bikpela man pinis.

PNG i bin go insait long planti hevi, skin pen, bagarap na ol pasin bilong graun i luk daun long em, ol bikpela lain i no lukautim gut mani bilong kantri na planti moa bagarap we i stopim developmen.

Tasol tude yumi ken sindaun isi na putim bilip long Tok bilong God na tok tenkyu long gavman na ol narapela husat i gat pawa. Baibel i tok long Gutpela Sindaun sapta 3 olsem, i gat taim bilong olgeta samting i save kamap aninit long heven. 2014 em i yia long sampela lain bai i senisim laip, na sampela bai kisim gutpela samting na painim gutpela sindaun.

Namba tu samting, Israel i bin stap kalabus long 70 kris-mas. Tasol nau taim bilong kalabus i pinis na God bai jasim Babylon o system bilong graun.

"70 yia pinis, orait mi Bikpela, bai mi mekim save long king bilong Babilon na long ol manmeri bilong en, bilong bekim pasin nogut ol i bin mekim. Na mi bai bagarapim kantri Babilon, em kantri Kaldia, na bai graun bilong Babylon i stap nating oltaim oltaim." (Jeremaia 25:12)

"Tasol bai mi givim hevi long ol dispela lain i mekim dispela pasin long ol. Na ol lain tumbuna pikinini bilong yu bai kisim planti samting tru na bai ol i lusim dispela kantri." (STAT 15: 14)

Yu ken rit moa long; Jeremaia 30:16,17; Kisim Bek 3:21,22; Gutpela Sindaun 2:26; Aisaia 45:3; na Jeremaia 30:16, 17.

Long planti yia, birua bilong yumi i bin stil long yumi, tasol God bai bringim bek olgeta samting grasopa i kaikai pinis.

Sapos yu laik toktok moa o yu laikim pre, yu ken rait long: Evangelis Barbara Lunge, ROGIM, P.O. Box 3063. Boroko. NCD. PNG, o ring long bm 67331426 OR 71075829 dg.

Buai bringim mani stret long haus-dua bilong ol mama

James Kila i raitim

PLANTI ol rurel fama insait long Madang Provins nau i wok long givim moa taim long planim buai na salim bikos prais bilong kakao na kopra i pundaun na ol i no kisim gutpela mani long ol dispela ol kes-krop.

Nau yet long Not Kos Rot (NCR) long Sumkar Distrik na ol ples long Bogia na Ramu, ol manmeri i wok long planim moa buai long salim na kisim mani na lus tingting long kopra na kakao

blok bilong ol.

Stat long mun Oktoba 2013 i kam long Januari 2014, Madang Provins i lukim ol ples long NCR, Bogia na Not Ambenob na Trens-Gogol em ren i pundaun na ol buai i karim planti kaikai na buai i kapsait stret long ol maket. Planti ol mama long Wali i karim bilum pulap long buai i go salim long 4-mail maket.

Tasol long NCR em ol lain bilong baim buai i sakim ren na win na kisim kar na bas i go stret long haus dua bilong

ol mama na papa bilong buai stret na baim ol rop buai na pulimapim ol stok-fid beg na karim i go long Hailens long salim.

Ol pipel long ol ples long NCR nau i wok long kisim gutpela mani long buai bikos ol baiya bilong Hailans i save kisim go stret long ples na baim buai. Planti ol mama long ol ples olsem Karkum, Mirap, Tokain, Malas na tu ol arapela lain long Bogia na Ramu i no save westim taim long go long arapela ples na salim buai bilong ol. Ol i stap

tasol long ples na ol baiyas yet i save go painim ol na baim buai.

"Mipela no save bisi tumas long painim kar long go salim buai ausait, mipela save stap tasol na ol lain blong Hailans i save go long haus dua na baim buai blong mipela," Patricia Baggi bilong Karkum viles i tok.

"Buai tasol i helpim mipela ol mama long kisim mani long ples long baim ol rais, suka na ol arapela samting mipela i nidim long ples," Patricia i tok.



Ol buai baiyas redi long baim buai long wanpela mama long Tapo rot-sait maket long Madang-Ramu haiwe. Foto: James G. Kila

Red Cross PNG helpim 2,000 pipel kisim bagarap

INTENESENEL Red Cross Komiti (ICRC) na Papua Niugini Red Cross Sosaiti i stat long givim aut ol samting bilong haus, ol tul bilong wokim haus na ol haijin samting i go long 2,000 pipel long Sugu Veli insait long Kagua Erave Distrik, Sauten Hailans.

Ol dispela pipel i bin kisim bagarap long taim bilong bikpela pait long ples.

Ol tupela lain i bin pait insait long Kagua-Erave na kilim 40-pela pipel na 30 i kisim bikpela bagarap.

Dispela helpim bai i ken givim samting i go long ol lain famili husat i lusim olgeta haus na ol samting bilong ol i bin lus.

“Ol pipel bilong mipela i kisim taim tru,” Justin Mapi, wanpela lida man bilong haus lain i tok. “Dispela em i namba wan helpim mipela i kisim taim pait i kamap na olgeta samting bilong mipela i bagarap,” em i tok.

Bihain long bikpela pait i bin kamap namel long Wambea na Kombia haus lain long pinis bilong 2013, ICRC i bin donetim ol medical saplai i go long Kagua Helt Senta na Sumbura Ed Pos, na tu ol i givim helpim i go stret long ol haus lain long helpim ol lain i kisim bagarap long pait.

ICRC i bin kisim tu wanpela meri husat i kisim bagarap long wanpela han bom, i go long Maun Hagen Haus Sik.

“Mipela i wari long ol pipel i kisim bagarap long pait long olgeta hap bilong Hailans long ol i mas kisim helpim long ol helt lain,” Gauthier Lefèvre, man i go pas long ICRC misin long PNG i tok.

“Planti lain i kisim bagarap long pait tasol ol i pret long wokabaut i go long painim helpim long ol helt senta na haus sik, nogut birua bai bungim ol. Planti helt senta long hap bilong ol i bin bagarap pinis na ol woklain i ranawe bihain long ol i lukim pait long planti yia. Gutpela helpim bilong haus em i stap tasol long ol bikpela taun bilong provins tasol em i stap longwe tru long ol haus lain i wok long pait.” Em i tok.

ICRC i bin stat wok insait long Kagua Erave Distrik wantaim wok poroman bilong Papua Niugini Red Cross. Long Novemba 2013, ICRC i dilim ol samting bilong wokim haus, wokim gaden na ol narapela samting i go long ol 749 famili bilong Apopa na Pawayamo haus lain long helpim ol i ken



Ol famili i kisim helpim long ICRC.



ICRC i givim ol samting bilong helt pos i go long komyuniti.

go bek gen long gaden na graun bilong ol bihain long ol i kamapim bel isi namel long ol haus lain i wok long pait. Em i bin kamapim tripela fes eid trening kos bilong komyuniti na ol polis i stap klostu long ples bilong pait. Long ples klostu olsem Uma, ICRC i wok long helpim ol long kirapim bek helt pos long givim helpim long ol komyuniti bilong Aiya

LLG. Em i no bin gat wanpela helt pos long 2005 yet na i kam. ICRC misin long Papua Niugini i bin kamap long yia 2007. Em i save strongim save bilong Intenesenel Humanitarian Lo na Intenesenel Human Raits Lo insait long ol nesanel atoriti na ol disiplin fos olsem Difens, Royol Konstebuleri na Koraksenel Sevis. Em i save

sapotim tu ol wok bilong Nesanel Red Cross Sosaiti. ICRC i save go lukim ol lain i stap long kalabus long lukim ol i stap gut o nogat na helpim ol ples kalabus long stretim ples bilong ol. Long Hailans rijen, ICRC i wok long helpim long banisim ol komyuniti husat i kisim bagarap long ol pait namel long ol haus lain stat long yia 2010.

Australia helpim long stretim Angau Haus Sik

AUSTRALIA na Papua Niugini i putim aut pinis singaut bilong kisim ol proposal bilong ol Masta Plen bilong projek long stretim ANGAU Memorial Haus Sik long Lae.

Tupela kantri i wanbel long putim mani wantaim long stretim gen dispela bikpela haus sik aninit long Wanbel Tingting bilong moa Bilateral Wok bung long Helt, Edukesen, Lo na Oda em ol i bin sainim long Julai 2013.

Nupela wok bilong stretim ANGAU haus sik em bai bikpela helt infrastraksa projek stret. Stat long indipendens i kam inap nau i no bin gat wanpela bikpela projek olsem i winim dispela. Mani mak bai Australia i putim em AUD \$207 milien long kamapim Masta Plen na 50 pesen bilong dispela em bilong ol wokim haus sik stret.

Australia's Hai Komisina long PNG, Ms Deborah Stokes, i tok Australia bai wok wantaim PNG long skruim ol wok nau i stap long Wanbel Plen.

“Masta plen wok bai i

givim moa toksave long tupela gavman ol i nidim long kirapim bek haus sik. Wok bai i kamap long pasin we bai i makim stret helt nid bilong ol pipel bilong PNG, na bai i gat woklain na bai em i isi long lukautim,” Mis Stokes i tok.

Ambrose Kwaramb, Menes bilong Helt Fasiliti Stendet long Nesanel Dipatmen bilong Helt i tok;

“Helt sevis na helt fasiliti disain stendet bai i soim rot bilong stretim na kamapim gut haus sik bihainim masta plen, stat long disain plen i go long konstraksen tu.”

Rot bilong masta plen bai kamapim ol toktok wantaim olgeta stekholda bilong haus sik, ripot bilong ol sevis nau i stap na ol samting bilong wok haus sik i gat na wanemsamting moa ol i nidim. Em bai givim sampela tingting long klia plen bilong ol i rausim na long ples ol i laik kirapim gen na ol konstraksen program.

Ol bai wokim konstraksen inap long ol i ken kamapim olgeta wok bilong ol sevis nau i stap long haus sik.

Bogia nogat plen long distrik rot infrastraksa

OL PIPEL long Bogia Distrik long Madang Provins i no bin lukim wanpela bikpela developmen o senis long strongim ikonmik developmen bringim gutpela laipstail bilong ol insait long las 15 yia.

Wanpela ripot bilong Bogia Distrik Edministresen, i tok Bogia Distrik i no gat wanpela plen long mekim wok bilong stretim ol 12-pela han rot insait long distrik.

Dispela ripot i soim olsem insait long las 15 yia, moa long 70,000 pipel insait long Bogia distrik, planti long ol dispela lain husat i save stap long ol eria we nogat wok i kamap long stretim ol han rot i mekim turangu ol pipel i kisim hat tru long bringim kaikai o ol kes-krop olsem kakao, kopi o kopra long go salim long taun bikos rot i bagarap stret.

Ripot i soim olsem insait long Bogia Distrik, klostu olgeta ples i stap arere long ol bikpela rot network i gat PMV trak, olsem na rot infrastraksa developmen insait long distrik i mas kisim moa luksave.

Ripot i tok tu olsem Bogia Distrik i no bin kamapim wanpela gutpela sevis wok kamap, na i no bin kisim wanpela bikpela projek i kam long provinsal gavman o nesanel lida bilong ol long planti yia. Ripot i soim tu olsem

Bogia I no kamapim gutpela plen long ol miting bilong Joint Distrik Plenning na Baset Praioriti (JDPBP) olsem na insait long las 10-pela yia i no gat gutpela rekot bilong miting i stap o gutpela tok-orait we Bogia distrik edministresen i ken bihainim long wokim wok bilong en.

Ripot i soim tu olsem politikal edministresen aninit long lukaut bilong nesanel memba (MP) bilong Bogia i no gat 5 yia distrik developmen plen olsem dokumen o rot-mep we i ken gaidim o stiaim ol long bringim kwaliti developmen i go long ol pipel long kamapim gutpela kwaliti bilong laip.

Ripot i tok ol yangpela LLG presiden nau long Bogia distrik long Yawar, labu na Almami aninit long lidasip bilong MP John Hickey bai gat planti moa wok long wokim long dispela yia 2014.

Antap long dispel, Bogia distrik edministresen i mas lukluk moa long rot mentenens, rot infrastraksa na ol arapela sevis long helpim ol pipel.

Ripot i tokaut olsem ol pipel i ken stap long gutpela laip sapos rot i stat long gutpela kondisen na ol pipel i yusim rot long salim ol kes-krop bilong ol long kisim mani long helpim sindaun na laipstail bilong ol long ples.

Naru kisim taim long ran long sinod

Bustin Anzu i raitim

MOROBE Gavana, Kasiga Kelly Naru, i brukim bikipela solwara long go long namba 29 Sinod bilong Evanjelikal Lutheran Sios bilong Papua Niugin (ELC-PNG) long Karkar Ailan long Madang long las wik.

Taim ol narapela bikman bilong politiks olsem Praim Minista Peter O'Neill, Spika Theodore Zurenuoc, Mema bilong Daulo Ron Ganarapo na Sif Sekretari Sir Manasupe Zurenuoc i kisim helikopta, Naru i ron long bot long go long Karkar.

Gavana Naru i luk les, tait na ino amamas long dispela kain wokabaut long ran long bikipela solwara i solap, tasol em i kisim bikipela bel isi, long wanem, em iS wokboi bilong olgeta pipel bilong Morobe na hetman bilong Lutheran Sios.

Gavana Naru na ol lain midia bilong Morobe i kamap long Madang long Fraide, bihain long ol i brukim bikipela Wara Waput, we bris i bagarap long tait wara, namel long Ramu na Madang.

Sarere moning, em i laik go long Karkar tasol em i bin lukim planti sinod deleget i sindaun long bris bilong Luship (Lutheran Shipping) na em i sori na sekim Luship yad.

Em i raun na lukim ol sip i sindaun long bris. Planti bilong ol i bagarap na stap long wanem, no gat mani bilong stretim.

MV Nagada em i bagarap olgeta na ol i no inap long stretim. Olgeta samting ol i go olsem skrep metal. Ol i rausim olgeta pinis.

Ol narapela olsem MV Umboi, MV Maneba, MV Kuder, Rita, MV Rita, MV Wewak na MV Sidy i bagarap na nogat mani long stretim. MV Sidy em stap long slipway long stretim, samting olsem wanpela yia nau.

Gavana Naru i sekim ol dispela samting raun na leit long go long Karkar. Em painim sampela rot long go long sinod nogat na em i go long Tubugam long Not Kos Rot (North Coast Road).

Tasol em i leit na go bek long Madang. Long nait tu, em lukim Luship bris, ol manmeri i stap yet. Dispela i mekim em sik na em igo slip na long moning, kisim boat na i go long Karkar. Dispela rot tu em solwara i bagarap nogut tru tasol em igo.

Taim em i go kamap, Praim Minista na ol narapela lida i yusim helikopta na go stap pinis.

Sinod lotu i stat na Gavana Naru kamap long sinod na ino go sindaun long opisol dais.



NARU LUSIM MV MANEBA: Gavana Naru i wokobaut i kam aut long MV Maneba **Poto: Bustin Anzu**

Ol i givim ol sia na tokim ol sindaun daunbilo. Em i go sindaun wantaim tupela PEC memba bilong em, Charlie Foike (Rilijen na Gavman na Sios Patnasip Program) na Jonathan Joel (Infrastraksa).

Gavana tingting long go long Pot Mosbi long presentim Baset bilong 2014 na kam bek long Lae.

Em i kalap long narapela bot long Mande long Gaubin Haus sik na kamap long Tubugam.

Naru wantaim ol nius lain i kalap long wanpela dingi i gat 250hp. Na namel long solwara, win i kirap na solwara i rap nogut tru. Long wanpela hap, ol i kapsait, tupela taim.

Tasol Gavana Naru, i sindaun isi tasol.

Tanim Baibel long tokples Suau

Missy Damon wantaim Tim Scott bilong Ukarumpa i raitim

DENIS na Marcela Vargas i kam long longwe stret long kamap long Papua Niugini taim tupela i lusim ples Heredia, Kosta Rika.

Tupela i kam wantaim tupela liklik pikinini man bilong ol. Wanpela moa taim, God i stretim rot bilong ol long kisim nupela wok gen long tanim baibel wantaim Baibel Translesen Asosiesen bilong PNG (PNGBTA).

Wokabaut bilong Vargas famili i kam long PNG i bin stat yet long taim Denis na Marcela i bin liklik yet. Tupela i bin kamap insait long Kristen famili na ol i save long wok misin long ol program bilong sios bilong ol, na tu long ol sama Baibel program. Taim Marcela i bin liklik, ol papamama bilong em i save wok olsem ol misineri bilong kirapim ol nupela sios na em i gat bikipela laik long kamap misineri taim em i bikipela.

Tupela i wok long Afrika namel long ol Muslim tasol dispela i no kamap gut wantaim laik bilong tupela na wanem kain presen God i givim tupela long mekim wok. Tupela i stap wet long singaut

bilong God na ol i wok yet long wok bilong tupela, Denis olsem wok ensinia na Marcela olsem nes. Wanpela taim, wanpela pren i givim tupela stori bilong Cameron Townsend, na ai bilong tupela i op na tupela i lukim nid bilong tanim baibel long namba wan taim.

Sampela taim bihain, tupela i toktok wantaim Rumbo A las Naciones (RALN) em i wanpela wok bilong Wycliffe Intenesenel i stap bilong salim ol Kristen bilong Latin Amerika husat i gat sampela kain save long wok na ministri bilong tanim Baibel. RALN i save wok poroman wantaim ol narapela ogenaiesen long planti kantri olsem Meksiko na PNG. Maski Meksiko i stap klostu long Kosta Rika, ol Vargas i hat long lusim tingting long planti lain pipel i stap long PNG na i no gat Tok bilong God long tokples bilong ol yet.

Tupela i kisim skul long lainim ol narapela tokples, pasin bilong tanim tokples na literesi long Peru, na tupela i autim tingting bilong tupela long ol sios na ol pren long Kosta Rika. Ol i kisim ol PNG wok pemit o tok orait long wok insait long kantri, na ol visa na i redi long kamap long Papua Niugini.

Tok bilong God i senisim famili laip

Karen Weaver wantaim Tim Scott bilong SIL i raitim

“LAIP long PNG “ i stap na i givim moa luksave long wok bilong tanim Baibel na long kamap bilong wok bilong ol tokples insait long kantri.

Bikipela tingting bilong mipela em, “Mipela i gat bikipela laik long lukim ol pipel bilong Papua Niugini i mas save long Tok bilong God na laip bilong ol i mas bihainim dispela tok, na bai laip bilong ol i senis insait long ol komyuniti bilong ol.”

Mipela lukim dispela kain senis long taim ol pipel i wok long kisim moa skul long laip i stap insait long buk baibel. Ol dispela stori i soim Tok bilong God i mekim laip bilong wanwan manmeri na ol famili i senis.


Wanpela yangpela meri i krai na i tokaut, “Mi no save soim rispek long ol papamama bilong mi. Mi save ting olsem mi save moa yet na mi winim ol bikos mi go long skul na ol i no bin go long skul. Mi save kolim ol long kain kain nem nogut. God em i kotim mi long pasin bilong mi taim mi lainim tok bilong em na taim mi go bek long haus, mi askim papa na mama bilong mi long ol i mas lusim rong bilong mi long mi no save rispekim ol.”

Wanpela mama i tokaut ples klia, “Mi stap insait long lotu planti krismas. Man bilong mi em i wanpela diken long sios. Mi save beten olgeta taim long

ol pikinini bilong mi i mas bihainim Kraisi na kamap olsem em. Tasol ol i no save senis na ol i save pait na singaut bikmaus long ol yet i go i kam. Mi save wari tru long dispela tasol mi no save bilong wanem na dispela i save kamap. Nau mi lainim pinis olsem mi yet i mas stap aninit long man bilong mi na taim mitupela i soim laikim bilong God long mitupela yet, dispea laikim bai i go long ol pikinini bilong mitupela olsem God yet i laikim mipela. Mi yet i wok long soim pasin nogut long ol pikinini bilong mi, na dispela as tasol mipela i no gat laikim bilong God insait long famili bilong mipela.”

Wanpela papa i stori long dispela baibel stadi i senisim pikinini gel i stap long gret 10. “Em i narakain olgeta. Pas-taim, pikinini gel bilong mi i no save toktok long mipela long skul bilong em. Em i save sem tru. Tasol nau, taim mipela i kisim dispela baible stadi, em i save kam long haus na toktok long skul bilong em long wanem samting em i lainim long skul.”

Pasto bilong wanpela sios i tok, “Mi ting olsem laip bilong mi em i stret na mi mekim wok bilong God i stap. Tasol nau mi lukim olsem mi gat bikipela hevi long haus bilong mi yet. Mi save paitim ol pikinini bilong mi na mi no soim laikim bilong God long ol. Mi luksave olsem mi sot long helpim ol famili bilong mi. Mi laikim God bai senisim mi.”



Tokaut Klia

SANDE 19 Januari 2014, naispela stori bilong Santu Jon Baptist i tokaut klia na soim Jisas long pablik, na em i tok: “Lukim! Em i Pikinini Sipsip bilong God. Em i kam bilong rausim sin bilong olgeta manmeri bilong graun” (Jon 1:29).

Long yia 1991, mi bin mekim wok olsem namba tu peris pris bilong Pompabus peris long Wabag Daiosis. Long dispela taim, Pompabus i gat wanpela seminerien i skul long Bomana Seminari. Mi no bin lukim em, mi no bin save nem bilong em.

Long Mun Novemba 1991, em i bin kam long holide, na i go stret long Pastoral Senta long Par. i gat bikipela bung bilong olgeta peris insait long Wabag Daiosis long wokim evaluesen bilong Pastoral plen bilong Daiosis.

Taim em i stap long Par, em i no bin introdusim em yet long mi. Mi no save long em. Mi ting em i wanpela sios lida o wanpela katekis bilong wanpela peris, bikos we bilong putim dres bilong em i olsem ol.

Taim em i go bek long Pompabus pinis, Peris pris bilong mi i askim mi sapos mi bin bungim dispela seminerien. Mi tokim em, nogat. Mi no bungim em bikos mi no save wanem man em i seminerien. Em yet i no toksave o bungim mi tu.

Taim mipela kam bek long stesin, kuk meri i bin tokim mi olsem, Seminerien ya i belhat tru bikos mi no bin bungim na toktok wantaim em long Par. Mi tokim kuk bilong mipela; “**Mi no save husat em i seminerien bilong Pompabus. Olsem wanem mi save long em? Em yet i no lukim mi na toksave olsem em i wanpela seminerien bilong Pompabus.**”

Yumi go bek long stori bilong Jon Baptais na Jisas long Gutnius Jon 1: 29 – 32. Jon i bin baptaisim planti manmeri pinis bai ol i tanim bel na redi long welkamim Mesiah. Na taim Mesiah i kam na stap namel long ol, planti manmeri i no luksave long em.

Olsem gutpela tisa na bikipela profet, Jon i no sem long tokaut na soim Jisas i go long planti manmeri. Bihain long soim Jisas/Mesiah long manmeri, planti i luksave na bihainim em. Sampela disaipel bilong Jon tu i bin lusim em na bihainim Jisas. Tasol Jon i no wari, em i amamas. Bikos planti disaipel bilong em i joinim na kamap disaipel bilong Jisas.

Sapos yumi lukluk nabaut, yumi i no lukim Jon Baptais i stap moa wantaim yumi. Olsem na long skul bilong mi long Hanuabada Peris, mi bin tokim manmeri olsem, “*Yu na mi nau i kamap Jon Baptais, long tokaut na soim Jisas long manmeri nabaut. Yumi stat insait long famili. Papa na mama i mas soim Jisas long pikinini taim ol i stap liklik yet. Lainim ol long prea. Pikinini i save bihainim wanem samting papa na mama i wokim. Sapos ol i lukim olgeta taim papa na mama i wokim prea, ol i bai bihainim. Papa na mama i mas givim strong long pikinini long lidim prea insait long famili. Mi save amamas taim mi visitim famili, na taim mipela i laik kaikai, papamama i askim pikinini long wokim prea. Ol i wokim gutpela prea tru. Em i wanpela rot bilong soim Jisas long famili memba bilong yumi*”

Mi tu i bin salensim manmeri bilong Hanuabada na Baruni. “Opim ai na lukluk insait long Haus Lotu long Sande. Yu painim olgeta famili memba bilong yu i kam lotu tude? Preisim God sapos olgeta i stap.”

Tasol sampela i no stap. Bilong wanem? Nogut yumi i no tokaut na soim Jisas long ol yet? Sapos yumi soim ol pinis, tasol ol i no stap wantaim yumi....bai yumi mekim wanem?

Bai yumi wetim narapela i kam na soim ol yet olsem dispela seminerien i stap na wetim Pater Paul i kam long askim em?

Nupela yia. Wok bilong yumi nau.....olsem wanem bai yumi tokaut klia na soim Jisas long narapela?



Praim minista Peter O'Neill i kamap long Bogenvil we em bai lukluk raun inap tripela de. *Poto: ABC*

Kot i tokim Ok Tedi no ken tromoi pipia bilong main long wara

Nesenel Kot i givim oda long Ok Tedi maining kampani i no mas tromoi pipia bilong main i go insait long wanpela wara. Dispela tokaut inap long pasim main.

Nesenel Kot i putim oda pinis long Ok Tedi maining kampani i mas stop long tromoi pipia bilong main i go stret long wara. Dispela toktok bilong kot inap long pasim main.

Ol komyuniti insait long Saut Flai eria, 500 kilomita i go daun long main, i givim kot wanpela kot pepa makim stret dispela oda olsem ol wara lusim main i pulap long pipia bilong main.

Presiden bilong lokal gavman Benjes Kudi Alusi i tok pipia bilong main i givim bikpela hevi long ol pipel bilong em.

Em i tok, "Wara na ol bus abus i pinis. Na ol pipel bai dai olsem pis".

Gedi Dabu, narapela lokal gavman lida i tok ol bagarap ol i lukim i kamap i go daun long saut, insait long wanpela eria klostu long boda bilong Australia long Torres Strait.

Em i tok makim planti ol mama i karim bebi long Daru Hausik we, ol bebi i no gat han, lek na em i tok ol pipia bilong main i kamapim dispela samting long graun na wara blong ol.

Stat long ol yia long 1980 i kam, Ok Tedi gol na kopa main i pulim planti bilien kina winmani bilong Australia kampani BHP, tasol ol i save rausim ol pipia bilong main i go daun long ol wara na riva sistim bilong komyuniti.

Long 2001, BHP i givim bikpela sea bilong main i go long wanpela lokal tras. Dispela sea agrimen i tok ol pipel i no inap long kotim kampani long ol bagarap i kamap long wara na bus graun bilong ol.

Praim Minista i raun long Bogenvil

Praim minista bilong PNG Peter O'Neill i kamap long Bogenvil we em bai lukluk raun inap tripela de. Long dispela taim, bai em i bung na toktok wantaim ol lida bilong Bogenvil long stretim sampela hevi i stap namel long nesanel gavman na Atonomas Rijen bilong Bogenvil.

Dispela em i namba wan taim bihain long 16 yia long wanpela praim minista bilong PNG i go raun long Bogenvil.

Praim minista i go long Bogenvil long stretim sampela hevi bilong mani em nesanel gavman i gat wantaim Presiden John Momis bilong AROB.

Planti handet pipel i bin bungim dispela tupela lida long Buka Ailan we ol i bin brukim ol bunara bilong pinisim ol belhevi.

Helen Hakena, dairekta bilong Leitana Nehan developmen ejensi i tok ol pipel bilong Bogenvil i amamas tru na tok welkam long praim minista i go long ailan bilong ol.

Wol Benk i givim mani longTonga

Wol Benk i givim insurens mani i go long Tonga olsem namba wan bikpela bagarap insait long wanpela Pasifik kantri long helpim Tonga long ol bagarap saiklon lan i bin kamapim.

Saiklon lan i kamapim bikpela bagarap, olsem dispela piksa bilong ABCi soim.

Tonga i wanpela long sikispela Pasifik ailan kantri, wantaim Cook Ailan, Masel Ailan, Samoa, Solomon Ailan na Vanuatu, husat i stap insait long Pasifik Katastrofi Risk Insurens Pailot.

Dispela wokbung, em Wol Benk i go pas long en, i wankain olsem wanpela program ol i wok long testim nau insait long Karibbean.

Franz Dree-Gross, Wol Benk kantri dairekta bilong Pasifik, i tokim Radio Australia Pacific Beat olsem Tonga bai kisim \$US1.27 milien long lukautim olgeta wok helpim long ol bagarap dispela bikpela saiklon i bin kamapim.

Saiklon lan i bin kamapim bagarapim long Ha'apai ailan long kirap bilong mun Januəri long dispela yia. Wanpela meri i bin dai na moa long wan tausen ol haus na arapela bikpela samting i bin bagarap.

Minista bilong Fainens na Nesanel Plening bilong Tonga, Dr 'Aisake Valu Eke i tok dispela insurens mani program bilong Wol Benk bai helpim ol pipel bilong Ha'apai.

Melanesian kantri bai bung long PNG 2014 Arts Festival

Papua Niugini i wok long redi nau long lukautim ol pipel bilong ol arapela Melanesia kantri husat bai kam long Melanesian Arts Festival long mun Julai long dispela yia.

Dispela bai namba faiv festival bilong ol kantri long Melanesia olsem Fiji, Nu Kaledonia, Papua Niugini, Solomon Ailan na Vanuatu.

Tupela nupela grup bilong Melanesia husat bai joinim dispela festival long namba wan taim tru, em Tores Strets na ol pipel blong West Papua.

Solomon Ailan i bin lukautim namba wan MSG festival long 1998, bihain Vanuatu long 2002, Fiji long 2006 na Nu Kaledonia long 2010.

Pius Wasi bilong PNG Arts Kaunsil i tok ol i amamas tru long tok welkam long ol narapela wan lain Melanesia pipel i kam long dispela festival.

Bogenvil raun long poto



Tupela yangpela meri bilong Bogenvil i kisim Praim Minista Peter O'Neill long Buka ples balus.



Presiden bilong Atonomus Rijen bilong Bogenvil, Sif John Momis i tok welkam long Praim Minista O'Neill na givim wanpela kaving bilong ples long Buka ples balus yet.



Ol meri long Buka i danis Solomon long soim stail bilong Bogenvil stret long Praim Minista na ol lain deligesen bilong em long taim ol i go lukluk raun long tripela de, dispela wik tasol.

Ol provins na distrik i redi long skelim 2014 baset



Long taim ol bikipela wok i kirap, i gutpela tu long ol gavman dipatmen husat i go pas long wok i mas lukim olsem i gat pablik tenda long kisim kontrak bilong ol wok. Na husat lain i go pas long Sentral Saplai na Tenda Bod (CSTB) i mas mekim stret-pela wok long skelim ol ep-likesen we olgeta samting i mas stap ples klia, orait bi-hain ol i ken givim kontrak i go long kampani husat inap mekim gut wok. Planti taim wok i no ran gut na yumi harim komplein i kamap long CSTB. Ol i mekim gut wok o olsem wanem?

Gavman i sainim warent bilong kisim mani nau. Tasol i luk olsem sampela wok bai i no inap long stat hairap bikos i no gat inap saveman o i gat sampela teknikel wok i no pinis gut o i gat sampela hevi i kamap.

Yumi olgeta i klia long dispela, kain pasin bilong isi isi long kirapim wok em bikipela sik bilong ol gavman dipatmen. Hamas yia nau, planti gutpela projek i no karim kaikai bikos wok i no ran hariap na ol developmen patna i wet i go nogat na ol i lusim.

Na long ol provins na distrik bilong yumi, i gat gutpela ripot i kamap long las wik i kam nau. Yumi lukim 12-pela provins i kisim baset bilong ol long 2014 i kam long Mosbi na Minista bilong Tresari i givim tokorait long ol i gohet long statim wok nau. Simbu i soim gutpela eksampel tru

long gutpela wok redi na plen bilong en long kirapim ol wok insait long provins na distrik. Wan wan provins i gat prairiti bilong ol yet. Long Morobe yumi lukim 10 pesen bilong mani bilong provinsal baset i go long helpim wok bilong sios insait long provins.

Ating ol arapela provins husat i no stretim baset bilong ol i mas hariap na mekim. Namba wan mun bilong dispela nupela yia i pinis nau na neks wik bai namba tu mun bilong 2014 i kirap. Dispela nupela yia i mas karim kaikai tru bikos i gat bikipela senis bai kamap long ol distrik. Long taim palamen i bung gen bai ol i givim tokorait long kamapim Distrik Atoriti Ekt. Dispela senis bai givim bikipela pawa moa i go long han bilong ol distrik edministreta. Distrik edministreta bai lukautim ol pablik sevan na bai em i lukautim ol developmen i kamap insait long distrik.

Dispela i bikipela wok tru na bai em i mas karim bikipela hevi bilong distrik long han bilong em. Tasol i gat gutpela as long kamapim dispela senis. Gavman na ol pipel i laik lukim ol wok i kamap tru insait long distrik. Bipo ol bikipela wok na mani i save kam stop tasol long taun na ol distrik i sindaun sori i stap. Nau em i taim bilong ol distrik long kamapim wok tru na bringim sevis i go long ol pipel long ples.

Gavman i sainim warent o tokorait pepa long mani bilong 2014 baset i mas go insait nau long ol bikipela wok em ol i makim long kamap nau. Treseri Minista Don Polye i bin amamas na tok save long taim bilong sainim ol warent tupela wik i go pinis.

Nupela yia i stat nau na gavman i laik wok i mas kirap hariap olsem na em i givim tokorait long skelim mani i go long ol wok nau. I gutpela olsem gavman i no westim taim. Em i laik ol wok i mas kirap hariap olsem na em i brukim mani i go long kirapim ol bikipela wok. Ating dispela promis bilong gavman long lukim implementesen i kamap tru nau na bai ol wok i kirap long 2014.

Yumi lukim ol bikipela kontrak i go aut nau long ol kampani bilong stretim rot insait long Lae siti. Ol pipel bilong Lae bai amamas bikos long-pela taim nau ol i wok long karim pen. Bikipela hevi i kamap long namba wan lain kontrak bilong wok. Kain kain paul pasin i bin kamap na wok i no pinis gut. Na nau i gat ol nupela kontrak i go aut we planti milien kina gen bai go long stretim ol rot insait long Lae. Yumi amamas wantaim ol pipel bilong Lae. Tasol i gat wanpela askim i stap. Olsem wanem long namba wan lain kontrakta husat i no bin pin-



isim wok o i no bin mekim gut wok long stretim ol dispela rot? Sapos bikipela mani bilong kantri i lus nating, watpo

bai ol dispela lain i no kisim sampela kain mekimsave? Bai kain lain olsem Task Fos Swip i sekap long ol tu o

nogat? Yumi harim kain kain stori bilong korapsen na paul pasin olsem na mobeta i mas gat wok painimaut i kamap.

Gavman tok orait long 2013 skul sevei ripot

Kolopu Waima i raitim

Gavman i tok orait long 2013 skul sevei ripot. Na gavman itok orait long givim K1.5 milen long pinisim ripot long Jun 2014.

Praim Minista Peter O'Neill i tok gavman i tok orait long skul sevei ripot i ken go het na pinisim ripot bilong en long Jun 2014.

Em i tok dispela ripot bai kam aut em i wanpela bikipela ripotnagavman i

laikim ol i mas pinisim dispela ripot. Ol infomesen dispela ripot givim bai helpim gavman na Dipatmen bilong Edukesen long plening na polisi bilong en long we bilong yusim mani.

Mista O'Neill i tok, ol infomesen ol bai givim em ol trupela na korek infomesen we em bai kamap olsem plening tul bilong Nesenel Gavman long kamapim gut mani plen bilong em.

Praim Minista i tok Dipat-

men bilong Edukesen tu i nidim ol trupela infomesen na ol dispela infomesen bai helpim dipatmen long kamapim gutpela wok bilong en long edministrativ na regulereti wok, i stap aninit long Edukesen Ekt.

Mista O'Neill i tok ol dispela infomesen bai mekim naem bai isi long lukim hamas mani bai go long Dipatmen bilong Edukesen insait long Papua Niugini. Na tu, hamas mani bai go

long fri edukesen.

Dispela wok, em i tok bai mekim ol Open Memba long Palamen long lainim na kisim save long ol problem, trupela toktok, mak bilong fri edukesen mani go long distrik bilong ol, fri edukesen komoditi na kompalseri edukesen long wan wan distrik bilong ol.

Ol memba bai save long problem ol Bod ov Menesmen skul long distrik bilong ol tuna em bai mekim isi long ol i ken stretim.



Published Weekly, Thursday, for Word Publishing Company, Ltd.
 P.O. Box 1982, Boroko, NCD
 Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Websait: www.wantokniuspepa.com
Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Acting Editor
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande – Fraide

6am – 10am – Sankamap show – Host: Kas.T
 6:00am – Major Nius Bulletin
 6:15am – Komuniti Notis Bod
 6:25am – Taim Bifo – wanpela singsing b'long bifo.
 6:30am – Nius Hetlains
 6:45am – Bonde grintins
 7:00am – Major Nius Bulletin – YUMIFM Nius Senta
 7:05am – YU TOK – komiuniti awenes program
 7:15am – WAN 4 DA ROAD – Hit Prediction
 – niupela singsing
 7:30am – Tok Pilai – stori b'long putim smail long nus pes.
 8:00am – Major Nius Bulletin – YUMIFM Nius Senta
 8:05am – YU TOK – komiuniti awenes program
 8:15am – "Papa Heni Fuka Show".
 9:00am – Nius Bulletin – YUMIFM Nius Senta
 9:15am – Luksave long Komuniti (Radio Pilai) Fraidei

Tasol
 9:30am – Final aua cruz
 10am – 3pm – Morin Trek na Belo Pack
 – Host: Mummy DASH
 10:00am – Major Nius Bulletin – YUMIFM Nius Senta
 10:05am – YU TOK – komiuniti awenes program
 10:15am – Kona b'long yu.
 10:45am – YUMI PANIM WOK Segment
 11:00am – Nius – YUMIFM Nius Senta
 11:05am – YU TOK – komiuniti awenes program
 11:10am – Lukautim yu yet – Helt toktok
 11:30am – Nius Hetlains b'long Belo Taim
 – Laik b'long yu – Niupela singsing previu
 12:00pm – Major Nius Bulletin – YUMIFM Nius Senta
 12:05pm – YU TOK – komiuniti awenes program
 12:10pm – BELO Pack – Belo taim rekwas na dedikesen
 12:15pm – Komuniti Notis Bod
 12:20pm – BELO Pack – Belo taim rekwas na dedikesen
 1:00pm – Nius – YUMIFM Nius Senta
 1:05pm – YU TOK – komiuniti awenes program
 1:10pm – BELO Pack – Belo taim rekwas na dedikesen

2:00pm – Major Nius Bulletin – YUMIFM Nius
 2:05pm – YU TOK – komiuniti awenes program
 2:45pm – YUMI PANIM WOK Segment
3pm – 7pm – Avinun Draiv Taim – Host: Vaviessie
 3:00pm – Nius – YUMIFM Nius Senta
 3:10pm – Avinun cruz
 3:05pm – YU TOK – komiuniti awenes program
 4:00pm – Nius – YUMIFM Senta
 4:05pm – YU TOK – komiuniti awenes program
 4:10pm – FOAPELA KAM GUD LONG 4 – foapela singsing
 4:30pm – Nius Hetlains
 4:45pm – YUMI PANIM WOK Segment
 5:00pm – Major Nius Hetlains – YUMIFM Nius Senta
 5:05pm – YU TOK – komiuniti awenes program
 5:10pm – 6:00pm – KULCHA Musik (1 hr) skelim lokal musik 6pm – 7pm
 – **NAIT BEAT – Host: Vaviessie**
 6:00pm – MAJOR NIUS BULLETIN
 – YUMIFM Nius Senta
 6:05pm – YU TOK – komiuniti awenes program

6:10pm – 7:00pm Mon kamap sho
 6:45pm – Komuniti Notis Bod
 7:00pm – 9:00pm – COCA COLA GARAMUT
 – Host: Angra Kennedy
 7:00pm – Nius – YUMIFM NIUS SENTA
 7:05pm – YU TOK – komiuniti awenes program
 9:00pm – 00am – Nait Beat – Isi Cruz long nait
 00am – 6am – BRUKIM TULAIT SHOW – Host: Tuluvan Vitz/Talaigu Sopi/Bata Rat
 00:00 – Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens – Sarere
 6am – 10:00am – Wiken Sanrais Host: Talaigu Sopi
 7am – 9am – Sarere Monin Cruz
 9am – 11am – Monin Treks
 11am – 1pm – National Weekly Hit Parade – Host: Kasty - 1st aua NWHP
 12:00pm NIUS – YUMIFM Nius Senta
 12pm – 1pm – 2nd aua NWHP

Sarere belo cruz – Host: Tuluvan Vitz
 1pm – 2pm – Sarere Belo Taim Dedikesen
 2:00pm NIUS – YUMIFM Nius Senta
 2pm – 6pm – Sarere Avinun Cruz
 6:00pm NIUS – YUMIFM Nius Senta
 6pm – 00:00am – Nait beat
 7pm – 9pm – Coca Cola Garamut
 9pm – 00:00am – Nait cruz
 00:00am – 6am – Brukim Tulait Show
Wikens - Sandei
 6am – 10am – Wiken Sanrais / Sandei Monin wokabout Musik
 – Monin Treks
 10am – 12noon NIUS – YUMIFM Nius Senta
 12noon – Sandei Belo Taim Music
 12 – 2pm NIUS – YUMIFM Nius Senta
 2:00pm – Sandei Avinun Draiv Music
 2pm – 6pm – Nius – YUMIFM Nius Senta
 6pm – 8pm – GOSPEL REKwes AJA
 8pm – 00:00am – Late Nait Cruz – Poroman Aua
 00:00am – 6am – Brukim Tulait Show
Program Director – YUMIFM – Kasty

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Spots
7:30PM Nius na Karent Afes
8PM Helt Musik
8:15PM NIUS
8:30PM Spots Riplei Musik
8:40PM Musik
8:55PM Musik
9PM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Mama Graun Musik/Spots
8:15PM NIUS
8:30PM Helt Riplei Musik
8:40PM Musik
8:55PM Musik
9PM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Focus Musik/Spots
8:15PM NIUS
8:30PM Mama Graun Riplei Musik
8:40PM Musik
8:55PM Musik
9PM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Youth Musik/Spots
8:15PM NIUS
8:30PM Focus Riplei Musik
8:40PM Musik
8:55PM Musik
9PM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Wantok Musik
8:15PM Musik
8:30PM NIUS
8:40PM Youth Riplei Musik
8:55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Wantok
8PM Lokal Ben
8:30PM Nius
8:40PM Musik/Chit Chat
9PM Stesen Pas

SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Femili Blong Serah (Radio Plei)
8PM Lukluk Bek Long Wik
8:30PM Nius
8:40PM Musik/Chit Chat
9PM Stesen Pas

EMTV Television Guide

<p>MANDE JANUERI 27, 2014</p> <p>4:00 AM G AUSTRALIA NETWORK 5:00 AM G WITH JOYCE MEYER 5:30 AM G EMTV NEWS REPLAY 6:00 AM G TODAY 9:00 AM G AUSTRALIA NETWORK 3:30PM G KIDS KONA HI 5 S8 EP#31/44 DORA THE EXPLORER S1 EP#5/26 PYRAMID S1 EP#32/52 5:00 PM G THE SHAK S2 EP#53/75 5:30 PM G AMAZING SPIES – EP#10/26 5:55 PM G CRIME STOPPERS 6:00 PM G EMTV NATIONAL NEWS 7:00 PM G SECRET MILLIONAIRE – 8:00 PM PG BUSH PILOTS 4/10 9:00 PM G COCA-COLA SPORTS SCENE EP 9:30 PM G EMTV NEWS REPLAY followed by the Australia Network</p> <p style="text-align: center;">TUNDE JANUERI 28, 2014</p> <p>5:00 AM WITH JOYCE MEYER 5:30 AM G EMTV NEWS REPLAY 6:30 AM G TODAY 9:00 AM G AUSTRALIA NETWORK 3:30PM G KIDS KONA HI 5 S8 EP#32/44 DORA THE EXPLORER S1 EP#6/26 PYRAMID S1 EP#33/52 5:00 PM G THE SHAK S2 EP#54/75 5:30 PM G ESCAPE FROM SCORPION IS 6:00 PM G EMTV NATIONAL NEWS 7:00 PM G HAUS & HOME EP#51 8:00 PM G BUSINESS PNG – Ep#04/2014 8:30 PM G MERLIN S2 – Ep#2/13 “The Once & Future Queen 9:30 PM G NEWS REPLAY followed by the Australia Network</p>	<p>TRINDE JANUERI 29, 2014</p> <p>5:00 AM G WITH JOYCE MEYER 5:30 AM G EMTV NEWS REPLAY 6:30 AM G TODAY 9:00 AM G AUSTRALIA NETWORK 3:30PM G KIDS KONA HI 5 S8 EP#33/44 DORA THE EXPLORER S1 EP#7/26 PYRAMID S1 EP#34/52 5:00 PM G THE SHAK Series 2 Ep#55/75 5:30 PM G TRICKY TV S3 – Ep#18/20 5:57 PM G CRIME STOPPERS 6:00 PM G EMTV NATIONAL NEWS 7:00 AM G 20/20 MATCH – GAME 1 AUSTRALIA vs. ENGLAND 10:00 PM G OUR PORT MORESBY EP#12 10:30 PM G TOK PIKSA Ep#49 10:00 PM G NEWS REPLAY followed by the Australia Network</p> <p style="text-align: center;">FONDE JANUERI 30, 2014</p> <p>4:30 AM G AUSTRALIAN NETWORK 5:00 AM G WITH JOYCE MEYER 5:30 AM G EMTV NEWS REPLAY 6:30 AM G TODAY 9:00 AM G AUSTRALIA NETWORK 3:30 PM 4:00 PM 4:30 PM G KIDS KONA HI 5 S8 EP#34/44 DORA THE EXPLORER S2 EP#8/26 PYRAMID S1 EP#35/52 5:00 PM G THE SHAK SERIES 2 EP#56/75 5:30 PM G TRAPPED YR.2 CASTAWAY 6:00 PM G EMTV NATIONAL NEWS 7:00 PM G RAIT MUSIK EP#198 8:00 PM G RESOURCE PNG Ep#102 9:00 pm G SOKA XTRA EP#02/2014</p>	<p>9:10 PM G HOT SPOT EP#04/2014 9:30 PM PG ELITE MUSIC ZONE 10:00 pm G NEWS REPLAY followed by the Australia Network</p> <p style="text-align: center;">FRAIDE JANUERI 31, 2014</p> <p>4:00 AM G AUSTRALIA NETWORK 5:00 AM G WITH JOYCE MEYER 5:30 AM G EMTV NEWS REPLAY 6:30 AM G TODAY 9:00 AM G AUSTRALIA NETWORK 3:30 PM 4:00 PM 4:30 PM G KIDS KONA HI 5 S8 EP#35/44 DORA THE EXPLORER S2 EP#9/26 PYRAMID S1 EP#36/52 5:00 PM G THE SHAK SERIES 2 EP#57/75 5:30 PM G SKIPPY THE BUSH KANGAROO - The Rainmakers 5:55 PM G CRIME STOPPERS 6:00 PM G EMTV NATIONAL NEWS 7:00 PM G IN MORESBY TONIGHT – 7:30 PM PGR 2013 NRL CLASSIC 8:30 PM MAO FRIDAY NIGHT MOVIE 10:30 PM G EMTV NEWS REPLAY followed by the Australia Network</p> <p style="text-align: center;">SARARE FEBRUERI 1, 2014</p> <p>4:30 AM G AUSTRALIA NETWORK 6:00 AM G EMTV NEWS REPLAY 7:00 AM G IN HIS STEPS EP#19 7:30 AM G TBA 8:00 AM G YOGA CITY EP#8/13 rpt. 8:30 AM G AMAZING SPIES – EP#10 9:00 AM G ESCAPE FROM SCORPION IS 9:30 AM G TRICKY TV EP#18 RPT. 10:00 AM G TRAPPED CASTAWAY</p>	<p>10:30 AM G SKIPPY - Rainmakers Rpt. 11:00 AM G AUSTRALIA NETWORK 5:30 PM G OLSEM WANEM EP#14/05 6:00 PM G EMTV NATIONAL NEWS 6:30 PM PGR GREAT ANIMAL ESCAPES 7:00 PM PGR NEW GIRL S1 EP#18/24 7:30 PM PGR TBA 8:30 PM G RAIT MUSIK 9:30 PM G BUSH PILOTS EP#4/10 10:30 PM G EMTV NEWS REPLAY</p> <p style="text-align: center;">SANDE FEBRUERI 2, 2014</p> <p>3:30 AM G AUSTRALIA NETWORK 6:00 AM G EMTV NEWS REPLAY 6:30 AM G IT IS WRITTEN 7:00 AM G HILLSONG 7:30 AM G AUSTRALIA NETWORK 8:00 AM G YOGA CITY EP#9/13 8:30 AM G BUSINESS PNG# 03 Rpt. 9:00 AM G MARTIN MYSTERY 9:30 AM G OLSEM WANEM- Ep#2014/05 10:00 AM G RESOURCE PNG – Ep#102 11:00 AM G Best of ATW in 85 plates. 11:30 AM G COOKING ISN'T ROCKET S 12:00 PM G AUSTRALIA NETWORK 5:30 PM G DEEP WATER 6:00 PM G EMTV NATIONAL NEWS 6:30 PM G TOK PIKSA EP#2014/05 7:00 PM G TWENTY/20 MATCH AUST vs. ENG – GAME 3 10:00 PM MAO SUNDAY NIGHT MOVIE - THE SWITCH 11:30 PM G HILLSONG Rpt. ... 00:00 AM G EMTV NEWS – Replay followed by the Australia Network</p>
---	--	--	---

Richard Alu wantaim Keyboard

Nicky Bernard i raitim

WANTOK Niuspepa i bi-hainim stori bilong dispela yangpela man taim em i pilai gita long wanpela bikpela klap long Pot Mosbi.



Richard Alu nau gat 23 krismas na i skul olsem wanpela ensinia long Australia i bin stat pilai kibod taim em i gat 8-pela krismas. Taim em i pilai kibod em i lainim liklik gita we liklik brata bilong em save pinis long pilai.

Richard na brata bilong em i gro wantaim gita na kibod, sampela taim papa na mama bilong tupela kisim ol go long lotu, tupela save helpim long pilai ol instramen long haus lotu.

Papa bilong Richard, Les-

pilai gita wantaim ol kandre bilong long Pot Mosbi. Dispela taim em namba wan taim Richard i autim stail bilong em tasol em i sem liklik long sanap long fran bilong planti manmeri.

Long wiken go pinis Richard Alu i pilai wantaim ol kandre bilong em Gwadu Ben long Lamana Hotel. Dispela taim em pilai kibod we em kaikai bilong em stret taim em i liklik na em bin lainim.

Em namba wantaim gen Richard i pilai kibod long ai bilong planti manmeri, tasol dispela em no sem long wanem kibod em gro wantaim na taim em i tromoi pinga bilong em olgeta musik i ron gut tru.

Taim em pilai planti bilong ol kandre manmeri bin sanap na lukim em pilai na ol i amamas tru long lukim em pilaim kibod.

Raun wantaim Wantok Kru...

TORO




BIABIA



KANAGE



KROSWOD



© ABS, 2014

SUDOKU

6	1	4	5	9	3	8	7	2
3	5	2	7	8	6	4	9	1
8	9	7	2	1	4	5	3	6
5	3	8	6	4	1	7	2	9
1	4	9	8	7	2	3	6	5
7	2	6	9	3	5	1	4	8
9	7	5	4	2	8	6	1	3
4	8	3	1	6	9	2	5	7
2	6	1	3	5	7	9	8	4

Ansa bilong las wik Sudoku # 29

	7	2			5			9
					9	1		
5			3	8		6	7	
					3	4	8	1
4			8	9	7			5
2	5	8	1					
	2	7		3	8			6
		1	7					
8			9			3	2	

Ansa bilong Sudoku # 30 neks isu

	A	D	A	M		B	A	S		
P		E	N	I	T	A	I	M		
A	M	I	N		I		S	A	S	
I		A	U	P	A			I	N	
L	M	S		M	A			L	O	
O			R	I	T	I	M			
T	O	R	O		R		U	N	I	
		O	K		A				N	
A		B	E	N	K		E	P	A	
S	T	A	T				S	T	E	P

© ABS, 2014

Ansa bilong las wik kroswod

- 33 Nem bilong man
- 34 Politikal pati

Daun

- 1 Pe de
- 2 Ol soldia
- 3 In
- 4 Pulap long diwai
- 6 Bilong paitim nil
- 9 Painim long frisa
- 12 Bekim
- 13 Sankamap
- 16 Ples long Bogenvil
- 17 Glas
- 18 Piksa
- 21 Mani bilong wok
- 23 Marasin frut
- 26 Meri bilong em i tanim kamap sol
- 27 Leta
- 29 Olpela Sief Ombudsman
- 30 Bilas bilong lek

Akros

- 1 Wanpisin
- 2 Samting bilong woa
- 8 Nem bilong meri
- 10 Dring
- 11 Bia
- 12 Han
- 25 Tait
- 28 Bilong lukluk
- 30 Solwara
- 31 Nogat
- 32 Askim kot long helpim

Wiken foto



HANI BI PROJEK: Senis DPI opisa na man husat i go pas long lukautim ol projek bilong hani long Isten Hailans, Tela Loie, i soim ol manmeri long Herave hauslain long Dunatina long pasin bilong kisim na kamapim hani. Ol i ken salim ogenik hani-bilong Isten Hailans long moa long K16 long wan wan kilogram. *Poto: Sape Metta.*



SAKSAK BILONG SAVAIVIRI I GAT KIK: Poto i soim Ivon Lousi, Maryanne Kiripope na Kiripope Ivaroa i rausim saksak na redi long pulmapim long beg. Long ol maket long Galp provins, Mosbi na ol arapela moa, bai yu lukim saksak bilong Galp provins ol i salim i stap long ol plastik we ol i skelim long K2, K5 o wanem prais em i go long en. *Poto: Sape Metta.*



TARO PULAP KAPSAIT: Aiyo, taro i pulap na kapsait long Kokopo maket long taim bilong Krismas. Dispela tupela manmeri i salim taro bilong tupela long K15 na K20 long wan wan mekpas. *Poto Michael Novingu.*

Raun wantaim Kanage olgeta wik

Samting Yah Banana...

Kanage go painim buai long Wewak maket i stap na harim ol manmeri i singaut nabaut na tok olsem tupela meri i pait long wanpela man. Em i harim olsem na givim 20t i go long wanpela lapun mama na sindaun i go daun long kisim buai. Taim em i wok long kisim buai ol manmeri i singaut moa na bikmaus i stap. Kanage harim i go nogat na em i askim lapun mama. Lapun mama i kirap na tokim Kanage. Bipo long taim bilong mipela ol lapun mama mipela i save pait long dispela hap bun bilong pik. Tasol long nau long dispela taim ol wait man i bringim na kamapim kain kain samting. Asua bilong ol waitman na nau tupela yangpela i wok long kros pait long samting ya banana. Kanage ya harim lapun ya tok



olsem na em i lap nogut tru. Mama, dispela fasin filong yufela Sifik na mipela i save les. Fikos yufela i no save fihainim lo filong Faifel i staf long Matyu 7:7

Wantok man Wewak.

Kus Marasin...

Lapun Kanage kus i go tulait na go long haus sik long kisim sampela kus marasin. Em i go kamap long haus sik na wanpela nes meri askim em long wanem kain sik i kisim em. Na Kanage kus wantaim na tokim nes meri: O pikinin, strongpela kus i bagarapim mi

stret. Mi no slip long nait. Mi kus i go i go na skin bilong mi i bagarap. Nes meri kirap na tokim Kanage. Sori tru papa. Gavman i sot long mani na mipela tu i sot long kus marasin. Kanage harim olsem na tokim nes. Na bai olsem wanem nau. Mi i kam long kisim marasin. Mi no kam long yu tokim mi olsem gavman sot long mani na nogat kus marasin. Nes meri ya tingting i go na tokim Kanage. Maski yu go long haus na painim sampela tumbuna marasin na dring. Kanage belhat na tokim nes meri ya olsem. Sapos mi go long haus na kus i mekim save long mi, bai mi kam bek long haus sik na kisim yu go long haus na bai yu soim mi olsem we bilong wokim marasin bilong ol waitman.

Marasin boi Wewak

Ol skwat! Teksim ol gutpela Kanage tok pilai i kam long:

Txt: 72356149

Sumatin i miksim edukesen wantaim ol drag o spakbrus na alkohol o strongpela dring

Dia Laiplain,

MI WANPELA sumatin man i gat 18 krismas na mi skul long wanpela nesanel hai skul insait long Nesanel Kapitel Distrik.

Papamama bilong mi i bruk marit na i no stap wantaim. Klostu ol bai divos bikos ol i no stap wantaim insait long las 10-pela krismas. Mi wokim gret 12 na ol fainal eksam o tes i kam klostu nau. Mi pilim olsem bai mi wokim gut long gret 12 eksam. Mi save olsem mi ken wokim gut, tasol samting em, mi gat ol wanlain poroman i stap long strit we mi groap wantaim ol.

Long planti yia, i nogat rot long abrusim ol na mipela i save dring wantaim, kaikai buai wantaim na olgeta de, mipela i save lukim wanpela narapela na bung. Maski mi gat planti skul wok, em i hat long mi long abrusim ol o tok nogat long ol.

Narapela wari mi gat em ol poro bilong mi ya i wok bihain long ol bin pinisim gret 10 na go long sampela teknikel skul. Taim ol i kisim pe bilong ol, ol i save baim bia long mi. Mi wari bikos mi mas bekim pasin ol i mekim long baim bia bilong ol.

Mi nogat mani, tasol lans mani we mi kisim long papamama bilong mi tasol. Long las tupela yia, mi wok long stilim mani bilong mama na susa bilong mi long baim bia bilong ol poroman. Mi no laik wokim dispela stil pasin, tasol taim ol poroman i singautim mi long dring wantaim ol, mi save wokim dispela asua gen. Mama na susa i save laik haitim mani bilong ol, tasol taim ol i kam bek long wok, skin bilong ol i save les na ol i save lusim walet bilong ol long ples klia na mi save kisim ol mani long K100 o K200 manimak.

Laiplain, mi no laik wokim dispela pasin moa na plis helpim mi. Mi pilim olsem mi wok long kamap wanpela stilman.

WORRIED STUDENT

Dia Pren,

Tenkyu long serim wari bilong yu wantaim mipela long bihain taim bilong yu we yu gat wari long em bikos papamama i no



moa stap wantaim. Mekim na yu raun wantaim ol manki na smok, dring taim yu sumatin yet. Mipela i luksave long yu na ol wari yu gat long skul na bihain taim bilong yu.

Mipela i save kisim ol wankain pas long planti lain insait long kantir bilong yumi. Mipela i luksave olsem laip em i hat taim papamama i no stap wantaim long sapotim yu long ol samting yu laikim long en. Mipela i luksave tu olsem tupela papa na mama i mas stap long lukautim na givim stia long ol pikinini long fisikel, spiritual na sosel sait. Na ol i ken mekim gut long skul na ol narapela samting long laip bilong ol.

Mipela i luksave olsem i no yu, tasol planti narapela pikinini insait long kantri i gat dispela kain wari we wanpela papa o mama tasol i lukautim ol i stap. As long ol dispela hevi em i ken pasin bilong ol waitman we mani, gat planti samting na moa o ol narapela samting we ol yet i save long en.

I moabeta yu toktok long papamama bilong yu long ol wari na hevi em bruk marit bilong ol i kamapim, na tokim ol long tingting bilong yu long dispela samting. Dispela i wok long kamap planti tude we planti yangpela pikinini i bungim hevi long selpis pasin bilong ol papamama husat i tingim ol yet na ol i ting olsem ol i smat na salensim wanpela narapela.

I moabeta yu no wari tumas long dispela samting, tasol yu toktok long papamama bilong yu na ol i ken painim rot long helpim yu. Ol i laikim yu na putim yu i go long skul, tasol ol i mas sapotim yu. Em i taim nau yu toktok long ol long wokim bel gut pasin namel long ol.

Mipela i bilip olsem taim yupela i sindaun na toktok, bai dispela i givim yupela sans long rispektim ol yet na luksave olsem ol i marit na ol i gat bikpela pikinini na ol i ken helpim yu, na yupela olgeta i

ken amamas olsem famili.

Pren, yu wari long smok na dring raun wantaim ol poroman husat i mekim na yu wok long stil long mama na susa bilong yu. Mipela i tokim yu stret olsem taim yu raun wantaim ol manki ya, bai yu stil yet long mama na susa bilong yu. Na ol bai kisim polis long yu husat bai holim pasim yu.

Yu ken lukim olsem hevi long famili i ken bagarapim skul na bihain taim bilong yu, na em i ken go nogut sapos yu no harim na bihainim gutpela stia.

I moabeta nau yu abrusim ol dispela poroman bikos dring na smok i no mekim ol skul wok bai bagarapim yu na bihain taim bilong yu.

Malolo liklik na tingim ol samting mipela i tokim yu long en. Askim yu yet olsem disisen yu wokim long pas wantaim ol poroman bai kamapaim wanem gutpela samting long laip bilong yu, skul na bihain taim. Stilim mani na dring i kamapim gut laip bilong yu na yu save bungim hevi tu?

I moabeta yu tok tru long yu yet na toktok long papamama o man o meri yu gat luksave long en long helpim yu daunim hevi. I moabeta yu joinim wanpela yut grup we i strongim ol yut long gat gutpela helti na produktiv laip. Inap yu joinim wanpela sios na iut grup?

Bikpela i laikim yu na gutpela long bihain taim bilong yu, na olsem, trastim em tude.

Provebs 3: 5,6.

Pren bilong yu, Laiplain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laiplain

Tupela NDB meri winim Aus AID Skolasip

TUPELA meri bilong Nesenel Divoelopmen Benk (NDB) bai go stadi long Australia long anda greduet na postgreduet digri.

Tupela meri wantaim i wok long NDB Akauning na Fainens Divisin. Driman bilong tupelo long kisim save long ovasis i kamap wantaim helpim bilong NDB.

NDB em i wanpela oge-naisesen i save promotim na sapotim jenda balens na promotim ol meri long kisim bikpela save. Planti meri i holim ol senia posisen nau long NDB.

Planti meri i wok na bikpela lukluk em long lukautim famili. Go skul na kisim moa save i em las samting planti i save tingting long mekim. Tasol i gat sampela meri i gat strong-pela tingting long go skul na kisim save na ol i save wok hat long lukim dispela kamap taim ol i stap long wok.

Wanpela bilong ol meri husat i laik go skul na kisim moa save em Supavaisa bilong NDB long Akaunt Peibel/Resivebel, Rhonda Gerega.

Rhonda i kisim skolasip aninit long Australia Aowds Skolasip Program long stadi long tupela yia long nAustralia. Rhonda em wanpela bilong ol 10-pela meri husat bai go stadi long Australia.

Rhonda i tok planti i bin aplai na em i ting sans long



Vicky Vene na Rhonda Gerega bilong NDB Akauning na Fainens Divisin.

kisim skolasip i bin liklik tasol em tok tenkyu long God long dispela blessing em i kisim.

Rhonda bai stadi long basela long komes long tupela long Sauten Kwinslem Yunivesiti. Em bai meja long Fainens.

Skolasip bai givim skul fi, tiket, alawens long Rhonda tasol. Em i tok em bai risain long wok long kisim pinis mani na baim tiket bilong pikinini na man bilong em na ol bai go wantaim em.

Narapela meri, Akaunting menesa bilong NDB Vicky

Vene tu i winim skolasip long stadi masta program long Profesional Akaunting long yunivesiti bilong Sentral Kwinslen. Em bai stadi long Brisbane kempas long tupela yia. Bai em i go stadi long Januari 28 2014.

Vicky tok tenkyu long famili bilong em long Kapari, Sentral provins long sapot bilong ol. Em i tok famili bilong em bai sapotim em bikos em bai go stadi na em i kisim lip.

Vicky i tok bikpela amamas long Ekting Menesing Dairekta Moses Liu long

sapot bilong em long aplikesen.

Vicky taim em i pinisim skul na kam bek i laik helpim akaun na fainens bilong NDB na ol brens bilong NDB long kantri.

Vicky i tok em tu bai helpim Wimen in Bisnis Rilesen Menesa Janet Kaule long wok na plen bilong em long helpim bisnis bilong ol meri.

Mista Liu i tok bikpela tenkyu long Rhonda na Vicky long sapot na hatwok bilong tupela long wok wantaim NDB.

Maikrofainens ekspension projek bai kamapim trening

Stanley Nondol i raitim

MAIKROFAINENS Ekspension Projek (MEP) em i wanpela bikpela projek we Asian Divoelopmen Benk, Gavman bilong Papua Niugini na gavman bilong Australia na Benk bilong Papua Niugini i putim mani na mekim ol wok long promotom Maikrofainens long kantri.

Bikpela astingting bilong MEP em long promotim fainens litresi bilong wan wan manmeri long givim skulsave long maikro fainens institusen, strongim reguletori fremwok bilong fainensel institusen na long lukim ol maikrofainens institusen.

Wanpela ki stekholda bilong dispela projek em ol Patna Fainensel institusen (PFI) olsem maikro benk, seavings na lon sosaiti na komyniti bes fainensel inisitiv.

Dispela projek bai givim trening, teknikel helpim, na wok wantaim PFI long givim gutpela sevis long ol pablik.

PNG Institut ov Benking na Bisnis Menesmen (IBBM) i kisim kontrak long givim trening long PFI wok-

man na meri long sampela taun na siti long kantri stat long Janeuri 2014. Dispela trening bai ran inap 2016 na bai wok klostu wantaim CEFI na givim trening olsem moa long 2000 de.

IBBM i tokaut long midia olsem em bai givim trening long ol wokman na wok meri bilong ol fainensel institusen long 3-pela levul aninit long lidasip bilong dairekta bilong CEFI.

●Levul 1: Ol Franline Opisa (Edmin Asistens, Kesia, Tela, Junia Kredit Staf, Akaunten, Sels/Kastoma Sevis Opisa na arapela)

●Levul 2: ol Midel Menesmen staf (Senia Kredit Staf, Supavaisa, Kastoma Menesa)

●Levul 3: ol Top Menesmen (Menesa, Bod Memba)

Levul 1 Trening bai stat long Jenueri long Mosbi na Levul tu bai kamap long mun Februeri na Mas long Mosbi. Levul 3 trening bai kamap long mun Me na Septemba long Mosbi.

Rijonal trening bai stat long Kokopo long Februeri. Ol trening long Mosbi bai kamap long IBBM opis.

InterOil bai stat dril long Mas

INTEROIL Corporation bai statim namba wan dril long 8-pela wel long Glad provins wantaim US\$ 325 milien bilong driling program.

Namba wan wel bilong dril em long Wahoo 1 long PPL 236, Raptor 1 long PPL 237, Bop Cat 1 long 238 na Antelop 4 long long PRL 15 long InterOil Elk- Antelop gas fil.

Em bai kisim olsem tupela mun long drilim wan wan wel. Olgeta driling bai stat long mun Mas na bai kisim namel long 12 na 15 mun long pinisim.

InterOil i wok long bungim 4pela driling rigs na i wok long bungim data bilong wok long ol laisens eria long sapotim driling. interOil i kisim pinis 129 kilomita bilong saismik data long PPL 237 na PPL 238 long 2014. Na lukluk long kisim narapela 162 data long Elk Antelop long namel bilong 2014.

Klostu long 70 wokman manmeri i wok long saismik data program nau na 50 bai kisim wok long driling program.

Dispela wok em bilong

painimaut long nupela ges fil na bai luksave long hamas ges i stap pinis long Elk-Antelope na long sampela eria long Galp we ol i gat ges pinis long en.

Driling kemp long 3-pela wel i kamap pinis long maunten eria long Galp provins na klostu long nambis bilong Galp bilong Papua. Kemp i kamap pinis long wan wan driling sait na ol 6-pela helikopta i wok long kisim ol ikwipmen bilong driling i go long sait.


InterOil tu i sapotim planti

komyniti divelopmen program olsem wokim skul klostu long Wabo we i bin opim long Disemba 2013. Em i bin wokim haus bilong ol tisa long Koudrika Praimeri Skul na Komyniti senta bilong Wabo komyniti. Dispela tu i gat ol gavman bodi i stap insait. Pastaim i no bin gat dispela.

InterOil tu i putim ol imejensi helt kea, saplai na helt kea na edukesen bilong ol lokal komyniti na i givim imejensi medikel tritmen long 5-pela pipel we posin snek i bin kaikai ol.



Basamuk bei na rifaineri



DIRECT FLIGHTS RABAUL TO CAIRNS!

With connections to and from Kavieng and Hoskins

OUR SCHEDULE

MON PX032 RAB-CNS 08:20 11:20
PX031 CNS-RAB 11:50 14:50
FRI PX032 RAB-CNS 08:10 11:10
PX031 CNS-RAB 12:30 15:30

Call Toll Free on **180 3444** or contact your nearest Air Niugini Travel Centre or Travel Agent for further details.



Air Niugini

www.airniugini.com.pg

Pablik telefon haus kamap bus bikos mobail fon kisim ples pinis

James G. Kila i raitim

OL BIKPELA senis long komyunikesen teknoloji long wol i mekim planti ol olupela samting i stap nat-ting na luk sori long planti taun insait long PNG tu.

Dispela ol nupela senis long kompyuta na komyu-

nikesen we i lukim dijital teknoloji nau i kisim ples na ol olupela rot i nogat yus bilong en tumas long ol manmeri long pablik.

Wanpela long ol dispela samting em telefon komyunikesen sistem tude bai yumi lukim ol pablik telefon haus we ol manmeri long bipo i

save yusim telefon long tok-tok wantaim ol wantok na famili memba i stap longwe.

Pastaim long mobail fon i kamap long PNG, dispela ol pablik telefon haus i save bisi tru. Planti manmeri stret i save sanap long longpela lain na redi long ringim ol wantok, ol famili na tu ringim

ol lain long wok bisinis.

Long piksa em pablik telefon haus long Modilon klostu long Telikom eksens we g bipo planti lain tru i save sanap long lain na ring, tasol tude em i stap sore. Ol wokman blong Telikom i lokim geit long dispela pablik telefon haus na bus i gro raunim

dispela ples.

Dispela pablik fon haus i save lukim ol manmeri i save yusim ol koins olsem 20 toea long ring long sampela minit na putim gen arapela koin. Bihain long koins ol Telikom i kamap wantaim Telikad prodak bilong ol we ol manmeri i save baim long stua na

yusim long ring.

Bihain long 2007 taim mobail telefon i kam long PNG, planti lain i baim ol mobail fon na yusim na nau ol i givim baksait tru long pablik lenlain telefon. Taim dispela i kamap em i lukim planti ol pablik telefon i nogat moa yus long en nau.

Seketeri welkamim nupela wokman bilong Sensasip

SEKETERI bilong Dipatmen bilong Yut, Rilijen na Komyuniti Dvelopmen, Anna Solomon i tok welkamim long ol nupela wokman na kisim 2014 Anual Opere-senel Plen (AOP) bilong Opis bilong Sensasip.

Ol nupela wokman ol i kisim long Opis bilong Sensasip i kamap aninit long ristra-akta program. Misis Solomon i tokim ol wokman long wokbung wantaim long kamapim ol wok bilong ol, na tu, ol wok bilong dipatmen.

'Lainim wok bilong yupela long narapela i go kam, long wanem yupela i gat

narakain ekspriens yupela i kisim i kam insait long ol wok bilong yupela long ol narapela wok," Misis Solomon i tok.

Em i tok tenkyu long Sif Sensa Steven Mala na em ii tok em i gutpela long lukim moa wokmeri i stap long wok na strongim wok bilong man na meri tu.

Em i tok Opis bilong Sensasip i wok aninit long Minisitri bilong Komyuniti Dvelopmen na em i amamas olsem, ol nupela wokman, wantaim sapot bilong menesmen bai wokbung na inapim ol wok i stap long plen.

Bikpela wok bilong Sensasip insait long AOP bilong 2014; em long kontrolim mani em yet, senisim klasifikesen bilong Pablikesen (Sensasip) Ekt 1989, Polisi rolaut na stretim gut databes.

Mista Mala i tok em i amamas long tokaut long 8-pela opisa we nau i gat 21. Em i tokim seketeri olsem, Opis bilong Sensasip, wokbung wantaim olsem tim long inapim AOP.

Mista Mala i askim Seketeri long helpim ol long K175, 000 long transpot na Misis Solomon i tok em bai helpim.



Seketeri Misis Anna Solomon i toktok wantaim ol wokman bilong Sensasip Opis.

Westpac i tokaut long namba wan meri i Rijonal Menesa

WESTPAC PNG i makim namba wan meri long Rijonal Menesa bilong ol brens bihain long 2014 yia long wok bisnis long kantri.

Dorothy Pasingan i kisim dispela wok bihain long em i wok wantaim benk long 34 yia.

Hetman bilong Retel Benking, Adam Dowine i tok Dorothy i gat gutpela nem long wok wantaim benk na wokmanmeri long benk i gat rispek long save na wok bilong em.

Mista Downie i tok Westpac i gat planti meri i wok long ol senia menesmen posisen long IT, O lperesenel Risk na Kredit, na ol ol eria we pastaim ol man i save bosim.

Moa long en Mista Dowine i tok hap bilong ol benk menesa em ol

meri. Dispela i winim ol arapela ogenaisesen na em i moa gutpela long mekim ol meri i wok hat long developmim komyuniti na ikonomi bilong kantri.

Mista Dowine i tok Westpac i bin go pas long promotim wok bilong ol meri na bai go het yet. Em i tok dispela yia em i namba 7 yia long benk i promotim Autstending Wimens Awod.

Em i tok Westpac tu i sapotim edukesen bilong ol meri na I save givim mani na fainensel edukesen program bilong ol meri.

Mis Dorothy Pasingan i tok em i amamas long benk i makim em long Rijonal menesa na i toke m bai wok klostu wantaim ol poro woklain bilong em long sapotim gutpela wok benk i mekim long kantri.



Rijonal Menesa Dorothy Pasingan.

Back to school?

A Westpac Personal Loan can help pay for your children's school fees. You can also use it to pay for excursions and uniforms. Find out how to apply today.

Call 322 0888
Email westpacpng@westpac.com.au
Visit www.westpac.com.pg

Banking for generations.

Things you should know: Terms and conditions apply. Lending is subject to the Bank's approval.
© 2013 Westpac Banking Corporation ABN 33 007 457 141



Ramu NiCo holim 2014 annual wok konferens

RAMU NiCo Menesmen long Tunde, Januəri 28 i bin holim 2014 Annual Konferens bilong en we i lukim ol sinia menesmen tim i givim toktok na autim tingting na plen long mekim wok insait long 2014.

Siaman na Presiden bilong Ramu NiCo Menesmen (MCC) Ltd, Mista Zhao Shimin i bin givim ripot bilong 2013 wok yia we em i tok olsem 2013 namba wan yia bilong prodaksen bilong Ramu NiCo na i bin lukim kampani i bungim planti salens. Tasol kampani i wok strong go het na i kamapim sampela gutpela senis insait long wok operesen bilong en we long dispela yia Kampani bai lukluk bek na traim sanap strong na muv i go fowat.

Bihain long em i givim ripot bilong las yia, Siaman Zhao i tokaut long ol strongpela salens na wok we bai kamap long 2014.

Dispela annual woking konferens i lukim ol menesmen bilong Ramu NiCo i givim toktok wantaim olgeta ofis long Beijing, China, KBK Main, Basamuk Rifaineri na Madang bes ofis na i kamap long video konferens we olgeta lain i lukim na harim toktok i kamap.

Siaman Zhao i tok bikipela lukluk o het-tok Ramu NiCo bai sanap na wok long en long 2014 i bihainim dispela tok "Kamapim operesen na prodaksen mak stret bihainim ol saintifik ogenaisese, strongpela wok-bung, na kamapim ol strongpela teknikal wok, na tu kontrolim gut mani long sait long baset menesman, kontrolim kos na daunim mak long samting kampani i baim."

Antap long dispela Siaman Zhao i tok, Ramu NiCo bai: "Wok strong long kontrol kos bilong ol samting na bihainim stret wanem wok i mas kamap long wok-ples, na kamapim na bringimap intenol menesman long kamapim gutpela maining kampani"

Siaman Zhao i tok olsem 2014 em wanpela bikipela taim bilong wok hat long Ramu NiCo, na taim dispela i kamap bai lukim Kampani i muv i go olsem wanem na tu olgeta wokman meri i mas wok hat long ol eria bilong ol long wok long lukim olsem 75 pesen wok mak long pinisim disain bilong prodaksen i kamap em mak we olgeta stekholda i putim.

Mista Zhao i tokaut olsem maski i gat planti ol salens i stap i gat sampela ol eria we i ken helpim long givim gutpela sans long Ramu NiCo i muv go fowat long 2014.

Em i tok olsem nambawan em bihain long nambawan yia long stretim ol wok kamap, KBK Main i mekim sampela gutpela wok senis insait long olgeta eria bilong wok, na dispela i putim kampani long gutpela posisen long lukim moa gutpela wok i kamap. Moa long en tu wok bilong putim tupela nupela presa filta wantaim wok mentensens i kamap long ol masin long Hai Presa Esid Litsing (HPAL) we bai i kamap klostu taim.

Mista Zhao i tok 2014 bai wanpela hatpela na yia bilong salens tu, na wantaim ol dispela salens olgeta lain long Ramu NiCo i

mas sanap strong wantaim na yusim olgeta taim bilong ol long lukluk moa long tupela bikipela eria em long "kamapim moa prodaksen" na "daunim kos". Na long dispela rot bai yumi olgeta i ken gat bilip na strong long wok strong long kamapim gutpela prodaksen long 204.

Long dispela rot, bai Kampani i ken putim gutpela faundesen long sasteinabol developmen bilong Ramu Projek.

1. Ramu NiCo annual konferens bungim Beijing, KBK Main, Basamuk Rifaineri na Madang bes.

2. Benefisiesen Plent long KBK bai lukim moa wok kamap.

3. Siaman na Presiden bilong Ramu NiCo, Zhao Shimin givim toktok.

4. Konferens long Madang.



RAMU NICO

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komuniti'

Plawa bisnis i kamap strong long Bogenvil

Veronica Hatutasi i raitim

PLANTI mama long Bogenvil nau i luksave nau olsem plawa i wanpela naispela samting tasol em i wanpela rot tu we ol i ken kisim mani long en.

Bogenvil em i wanpela ples we ol plawa i save gro gut bikos ples i save ren oltaim, i gat gutpela graun na i no hatwok long groim ol plawa olsem sampela ples long dispela kantri.

Barbara Mihwah em i wanpela yangpela mama i wok long TKL Treding, wanpela egrikalsa stua long Buka. Em i menasa bilong dispela stua we long planti yia dispela stua i save givim sevis long ol pipel bilong Bogenvil. Ol i save salim ol kain samting bilong lukautim ol diwai kakao olsem ol marasin bilong kilim na rausim ol binatang, ol beg na ol naip, savol, akis na ol arapela tul bilong wok gaden. Stua i salim tu sampela samting long wokim olsem ol nil, kapa na ol arapela moa.

Maski em i wanpela bisi meri, Barbara i gat taim bilong lukautim plawa gaden em i wokim ausait tasol long haus bilong em long Kokopau, Buka Basis.

Em i gat ol kain kain plawa we i bilasim ples. I tru olsem ol plawa i bilasim ples na

mekim ol manmeri i amamas wantaim ol naispela purpur na naispela smel bilong ol, Barbara i luksave tu olsem plawa i ken kamapim bisnis na bringim mani.

Long wanpela hap ausait long haus, Barbara i gat ol spesel plawa bilong em long potplent, kontena na ol arapela plawa em i planim long wetim plawa so ol i save holim long Buka long olgeta yia.

Olgeta moning na apinun, Barbara bai sekap long ol plawa bilong em na stretim ol sapos sampela samting i no stret.

Las yia, Barbara i bin kisim klostu K1,500 long taim em i salim ol plawa long Bogenvil Plawa So. Em i bin kisim tu prais long wanpela plawa bilong em i kamap gut tru.

Barbara bai go het long lukautim ol plawa bilong em.

Wanpela plawa em i tingting long planim long plawa gaden bilong em long dispela yia na kisim i go long Bogenvil Plawa So em "Blek Okid" bilong Bogenvil yet.

Mi no lukim dispela plawa tasol mi harim long ol ples lain olsem tru tumas, dispela narakain okid i stap long Bogenvil na i gro wail. Tasol nau ol pipel na, ol meri yet i isi isi long luksave long em olsem wanpela kain okid i save gro tasol long Bogenvil.

Narapela mama i gat nais-

pela plawa gaden long eria bilong em ausait long haus em Melita Motou.

Melita em i meri bilong Nick Motou, papa bilong wanpela stua bisnis long Kokopau, Buka Basis, ol i kolim Likui Treding.

Bisnis i gat wanpela riteil na holisel stua na tu, wanpela kakaruk na pik fam long Siwai, Sautwes Bogenvil.

Dispela ripota i bin raun lukim plawa gaden bilong Melita na em i naispela tru wantaim ol kain plawa we ripota i no klia long nem bilong ol. Yes i gat ol kain kain okid, tasol ol narapela naispela plawa we Melita i groim long pot, kontena em i baim long stua na tu, em i wokim long kain stail bilong ol Siwai meri yet.

Long plawa gaden, bai yu lukim ol plawa i hangamap long ol stail kontena na karamap ol i wokim long skin kokonas na tu, putim ol insait na sindaunim long graun.

Melita i gat bikpela laik long lukautim ol plawa na planti taim, bai yu lukim em long dispela naispela plawa gaden bilong em.

Em tu i mekim gut long Bogenvil Plawa So na winim sampela prais na em i kisim moa long K2,000 long taim em i salim ol plawa bilong em.

Joanne Mapah i narapela yangpela mama i save stap

long ples Siroi, Siwai.

Em i gat intres long ol plawa na em i save planim ol plawa long ples.

Taim em i go long Arawa, Buka o wanem ples bai em bungim ol plawa na karim i go bek na planim long ples. Planti meri long Bogenvil nau i gat laik long plawa bisnis na taim ol i bung, toktok long ol plawa i no save isi.

Sapos wanpela i gat plawa na narapela i no gat dispela, em nau, tupela bai toktok na stretim ol yet.

Tru tumas, plawa i wanpela samting i save mekim man i amamas wantaim naispela purpur na smel bilong em. Tasol tude, plawa i isi isi kamap olsem wanpela komoditi o samting bilong salim na kisim mani.

Em i no hatwok, traim na bai yu lukim olsem yu no westim taim bilong yu!



1: I GAT STAIL: Joanne na Barbara i lukluk raun long plawa gaden bilong Melita. Hia ol i lukim ol okid Melita i groim long skin kokonas.

2: SOIM: L-R: Melita na Joanne i soim ol okid i gro long skin kokonas na Barbara i sanap wantaim tupela.

3 NAIS: Barbara na Joanne i lukluk long ol narapela plawa long naispela gaden bilong Melita.



4:WIN TRU: Melita insait long plawa gaden we ol i gro gut tru na i luk nais moa.

5:WAITPELA SOLOMON FRENJIPENI: Denis i soim naispela waitpela Solomon Frenjipeni plawa long gaden bilong Barbara. Ol Foto: Veronica Hatutasi

Gangloff i nupela dairekta bilong NBOPL

BIKNEM welpam kampani long dispela kantri, Nu Briten Welpam Kampani (NBPOL) long Wes Nu Briten i gat nupela dairekta. Man ya Ernie Gangloff wanpela akaunten na bisnismen moa long 30 krismas, na em i gat bikpela save long wok menesmen, operesen na risk menesmen.

Em i bin fainensel dairekta wantaim Kramer Grup na lukautim fainens bilong kampani long ol wok bilong en long PNG, Fiji, Vanuatu, Solomon Ailan, Tonga na Australia.

Long taim em i lusim Kramer Grup, em bin go wok wantaim Deloitte na lukautim risk menesmen na konsaltensi sevis divisien.

Nau ol i makim em i kamap wanpela dairekta bilong NBOPL.

Siaman bilong NBOPL, Anthonio Monteiro de Castro, i tok amamas long Mista Gangloff bai wok wan-

taim ol. Em i tok save na ekspiriens bilong Gangloff long fainens, akaunting na bisnis bai helpim gut NBPOL.

Mista Gangloff i amamas long NBPOL i givim em luksave na i amamas long wok wantaim ol. Em i tok em i gat sans nau long helpim na strongim egrikalsa sekta bikos long longpela taim, gavman i lus tingting long en.

Egrikalsa sekta em i laip blut bilong dispela kantri wantaim ol bisnis diwai olsem welpam, kakao, kokonas, kopi, timba na fiseris, kakaruk na moa.

Welpam bisnis long PNG i wok long strongim nem bilong PNG taim Nu Briten Welpam kampani (NBPOL) long Wes Nu Briten i stap antap long lista bilong kamapim welpam wel.

Strongim wok long planim galip na kapiak ... Mas gat fud sekyuriti plen

EM i bikpela samting long gat fud (kaiikai) sekyuriti plen na tu, strongim wok long planim na lukautim ol kaiikai bilong ples yumi save planim long taim bilong tumbuna yeti kam inap nau.

Ol pipel i mas gat inap kaiikai na tu, ol i ken salim kaiikai na kisim mani.

Egrikalsa Menasa bilong Sumkar Distrik long Madang, Wesley Raibon, i mekim dispela tok taim em i autim ol plen long fud sekyuriti bilong ol pipel long Karkar Ailan, Madang provins. Em i tok, Long Ailan wanpela narapela ailan long Madang Provins i sot long kaiikai nau bikos i no gat gutpela plen long fud sekyuriti.

Mista Raibon i tok yumi mas holim strong yet ol kaiikai bilong ples em ol tumbuna bipo yet i save kaiikai olsem galip, kapiak na wail yam.

pipel long Karkar Ailan i wok long surik i go bikpela na ol i mas strong long planim ol kaiikai bilong ples yet wantaim ol narapela nupela kaiikai olsem rais.

Em i tok ol i helpim ol pipel long Karkar Ailan long planim rais, soya bin na ol arapela nupela kaiikai, long helpim ol pipel i no ken sot long kaiikai.

Mista Raibon i tok ol i planim pinis 50 hekta rais long Karkar Ailan, na em i bilip olsem ol bai winim mak bilong 200 hekta long dispela yia.

Em i tok ol fama long ailan i amamas long groim rais na soya bin long kaiikai, na salim tu we ol i kisim gut mani long en.

Tasol em i tok galip em i wanpela gutpela kaiikai bilong ples na ol i mas lukautim na lukim olsem i mas gat inap long ol pipel i kisim kaiikai long en, na long sait bilong fud sekyuriti tu.

Fact about eggs

- Eggs are naturally high in protein.
- Eggs have less than 2 grams saturated fat.
- Eggs are source of 11 vitamins and Minerals.
- They are a good source of vitamin B12 which may be lacking in vegetarian diets.
- Eggs are a source of Iron.
- Eggs are an ideal food alternative to meat.
- Eggs are very economical and highly nutritious.

BAIM PNG MADE NA KAMAPIM MOA WOK

Dika Toua kisim luksave long wok kosa

DIKA Toua em i wanpela meri husat i karim nem bilong Papua Niugini long weitlifting. Na em i kisim planti gutpela luksave long laip bilong em olsem wanpela weitlifta bilong Papua Niugini.

Dika Toua i bin makim kantri long foapela Olimpik Gem olgeta. Long 2000, 2004, 2008 na long 2012.

Long 2006 Komonwelt Gem, Dika i bin kisim Silva Medol, na em i bin stap olsem sempion bilong Osenia long weitlifting inap 8-pela taim.

Dika i bin stap long wanpela kos bilong kamap kosa long Osenia Weitlifting Institut long Nu Kaledonia inap long 12-pela mun. Na long namba 20 de bilong dispela mun, em i kisim diploma long kamap kosa long weitlifting.

Dispela weitlifting kos em Intenesenel Olimpik Komiti (IOC) i givim mani long kamapim.

Long taim Dika i stap long Nu Kaledonia, em i bin gat sans tu long toktok wantaim ol yangpela weitlifta na givim sampela skul long ol.

Dika i tok olsem dispela kos i givim em strong long stap olsem wanpela lida long weitlifting, na tu, i soim em olsem em i mas stap olsem wanpela gutpela eksampel olgeta taim.

I gat narapela meri tu husat i bin stap wantaim Dika Toua long dispela kos na i kisim diploma tu long wok kosa. Dispela meri em Jenly Wini, na em i bilong Solomon Ailan.

Jenly em Osenia sempion long 58kg divisen, na em i bin makim Solomon Ailan long Olimpik Gem long 2012.

Osenia Weitlifting Federesen (OWF) i amamas long lukim Dika Toua na Jenly Wini wantaim ol diploma bilong ol. Na OWF i gat strongpela tingting olsem dispela tupela meri bai i mekim wok stret long helpim ol weitlifta long kantri bilong ol.

Dika Toua na Jenly Wini em ol namba wan meri long Osenia rijon long greduet wantaim diploma long Osenia Weitlifting Institut.



- 1: Dika Toua i winim 2013 Osenia Sempionsip long Brisben, Australia.
- 2: (L-R) Presiden bilong Nu Kaledonia Weitlifting, Jean Paul, Dika Toua, Presiden bilong PNG Nesenel Olimpik Komiti, Sir John Dawanincura, na Jenerel Seketeri bilong OWF, Paul Coffa.
- 3: Dika Toua i kisim OWF diploma bilong em long Sir John Dawanincura.
- 4: Jenly Wini bilong Solomon Ailan i winim 2013 Osenia Sempionsip long 58gk divisen long Brisben, Australia.
- 5: Jenly Wini i kisim diploma bilong em long Laurent Cassier. Jenly na Dika em ol namba wan meri insait long Osenia rijon long kisim diploma long OWF na stap olsem kosa.

Ol Guria i redi long 2014 Sisen

Michael Novingu i raitim

long 2014 sisen.

NAMEL long 500 na 1000 manmeri na ol pikinini tu i bin bung long fan o amamas de bilong Sempion ragbi lig klap bilong Is Nu Briten, NGIP Agmark Gurias long Kalabong pilai graun long Kokopo long lukim ol kain kain pilai ol pilaia i soim long ol.

Long displa taim ol tokaut long ol manmeri long ol opisal na pilaia bilong 2014 sisen.

Kosa bilong 2014 sisen em Oscar Tonga em olupela kosa Michael Marum yet i bin makim long kisim ples bilong em olsem kosa bilong ol Guria long 2014 sisen.

Michael Marum nau i kisim wok olsem het kosa bilong PNG Hunters long Kwinslen Kap kompetisen.

Oscar Tonga i tok olsem astingting bilong dispela amamas de em long kisim ol pilaia i kam bung long soim ol manmeri i lukim na save long ol na wanem posisen ol bai pilai long taim sisen i stap long mun Mas. Em i tok dispela taim ol i tokaut long ol hetman o opisal bilong tim

Tonga i tok nau yet ol i wok long trening strong long go pilai wantaim Bulldogs tim long Australia long mun Februeri. Em i tok i gat 38 pilaia i trening i stap. Tasol bai ol i katim namba i kam daun long 25 pilaia long go pilai long Australia wantaim Anda 21 tim bilong Bulldog tim long Sidni.

Tonga i tok pastaim long ol i go pilai long Australia bai i gat wanpela trail gem wantaim Agmark 9s tim long makim ol gutpela na strongpela pilaia long go pilai long Sidni.

Em i tok olgeta samting bilong pilai na stail long trening em Michael Marum i soim em na i lusim wantaim ol. Em i tok i no gat nupela stail bilong trening bai kamap, bai ol i yusim tasol ol olupela stail i stap pinis bipo.

Tonga i tok displin na pasin bilong harim tok em i bikpela samting long taim bilong trening na pilai i mas kamap. Em i tok tu olsem ol pilai i ken tingting long displin long taim bilong pilai tasol, ol bai soim displin long taim ol i stap long komyuniti bilong ol na long arapela hap. Em i tok



NGIP Agmark Gurias soim ol yet long ol manmeri long taim bilong fan de long Kalabong pilai graun. Poto Michael Novingu.

ol i mas soim rispek na bihainim trupela na stretpela pasin long wokabaut na sindaun bilong ol.

Em i givim tok lukaut tu long ol ol pilaia long bihainim displin na gutpela pasin olgeta taim. Tonga i tok sapos wanpela pilaia i no bihainim gutpela pasin, bai ol i rausim em long stap insait long Guria

Ragbi Klap.

Tonga i tok em i bin holim wok olsem namba tu kosa moa long tenpela krismas pinis na em i no nupela wok. Emi tok bikpela samting em long ol pilaia i mas harim tok na wokbung wantaim em bai ol pilai i ran gut.

Tonga i tok tu olsem ol pilaia olsem Rolly Matalau,

Francis Panui, Junia Pangogo i kam bek pinis na stap insait long trening. Em i tok ol i bin saspending ol bikos ol i mekim bek pasin long taim bilong pilai na ol i no kamap trening na pasin bilong ol i no stret long ol komyuniti bilong ol.

Samuel Hamari em i wanpela strongpela pilaia bilong

tim Gulp Isapea na bai ol i kisim em long strongim tim long dispela sisen.

Tonga i tok i gat tupela Kumu, Ase Boas husat i kepten bilong tim na Dion Aiye husat bai go pas kisim ol pilaia long taim bilong pilai. Em i tok tu olsem olupela pilaia Rolly Matalu i gat moa save long pilai i go inap gem i pinis.

Ol Anda 19 Kumul bai pilai long ragbi nains festival

PAPUA Niugini Ragbi Futbal Lig (PNGRFL) tokaut long las wik olsem ol Anda 19 Kumul bai i go pilai long Ragbi Nains Festival long Glasgow, Skotland.

Dispela festival bai kamap bipo long opisal opening bilong 2014 Komonwelt Gem.

Ol arapela kantri tu husat bai i stap insait long dispela ragbi nains salens em Jamaika, Saut Afrika, Australia, Skotland na Wales.

Tupela tim husat bai karim nem bilong Sauten Hemispia em Australia na Papua Niugini.

Siaman bilong PNGRFL, Sandis Tsaka i tok ragbi nains em i wanpela bikpela samting aninit long program bilong tim Kumul. Na long PNGRFL, ol i laikim ol Anda 19 Kumul long kisim ol gutpela risal long dispela Ragbi Nains Festival.

Mista Tsaka i tok, "Yumi mas givim sans long ol yangpela ragbi lig pilaia bilong kantri long pilai long intenesen level, long wanem, em bai strongim ol long kamap ol top pilaia."

Wanpela astingting bilong PNGRFL long salim Anda 19 ragbi nains tim i go pilai long dispela festival tu, em long apim standed bilong nains long Papua Niugini, na kamapim wanpela Pasifik tim long pilai long NRL nains kompetisen long neks yia.

USA program bai saptim ol PNG meri long basketbol

Isaac Liri i raitim



YUNAITET Stets ov Amerika (USA) i save helpim ol liklik kantri insait long wol long strongim spot. Na Papua Niugini em i wanpela bilong ol kantri husat i kisim helpim long USA.

Sekretari bilong Papua Niugini Basketbal Federesen, Karo Lelai, i bin go stap long USA inap long wanpela mun long wok wantaim Presiden bilong USA Women Nesenel Basketbal Asosieisen (WNBA), Laurel Ritchie, aninit long Global Spot Mentaring Program.

Dispela program em USA i go pas long em, na em i wanpela diplomatik program bilong ol.

Long dispela program, Misis Lelai i bin lainim planti samting tru long rot bilong helpim ol meri long basketbal, na tu, long ol arapela spot.

Misis Lelai i tok ol meri em ol impoten memba bilong komyuniti, na planti taim ol i no save kisim bikpela luksave long spot.

Em i tok dispela program em i go long en, i opim ai bilong em, na nau em i laik wok bung wantaim ol kampani, midia na olgeta manmeri bilong Papua Niugini long kamap wantaim ol stretpela program long helpim ol meri long pilai basketbol.

Bikpela tingting bilong Misis Lelai wantaim ol PNG Basketbal Federesen, em long kamap wantaim wanpela nesenel kompetisen long strongim basketbal insait long kantri.

Sekretari bilong Papua Niugini Basketbal Federesen, Karo Lelai, toktok long midia konprens. Misis Lelai i laikim basketbal long PNG long kamap strong.
Poto Isaac Liri

"Ol arapela spot olsem ragbi na soka i gat ol kompetisen wantaim ol gutpela program, na long dispela as, planti gutpela pilaia i save kam aut long ol dispela spot," Misis Lelai i tok.

Misis Lelai i tok olsem ol i laik wokim wankain long basketbal, ol i laik mekim na Papua Niugini bai i ken kamap wanpela strongpela kantri long basketbal.

Misis Lelai i tok tenk yu long US Embasi long saptim ol.

"USA i gat bikpela laik long helpim yumi long Papua Niugini, na yumi mas amamas long dispela," Misis Lelai i tok.

- Weekend softball dro -



SEASON PROPER - ROUND TWO, GAME FIVE Saturday, 1st February 2014

TIME	TEAMS		TEAMS	GRADE	REMARKS
09.00 - 10.00					Modified Softball
10.00 - 11.00	WANTOK	V	WOLVES/YOKOMO	U/16	5,5,5 Comp for 16
11.00 - 12.15	YOKOMO	V	UNITED SISTERS	B	
12.15 - 13.30	ADMIRALTY	V	BEARS	B	
13.30 - 14.45	YOKOMO	V	UNITED SISTERS	A	
14.15 - 16.00	ADMIRALTY	V	BEARS	A	

DIAMOND THREE

TIME	TEAMS		TEAMS	GRADE	REMARKS
09.00 - 10.00	ADMIRALTY	V	BEARS/CHEBU	U/16	Modified softball
10.00 - 11.00	GAZELLE	V	STINGERZ/ U-SISTERS	U/16	5,5,5 Comp for 16
11.00 - 12.15	WOLVES	V	WANTOKS	B	
12.15 - 13.30	GAZELLE	V	STINGERZ	B	
13.30 - 14.45	WOLVES	V	WANTOKS	A	
14.45 - 16.00	GAZELLE	V	STINGERZ	A	

Weekend Results

DIAMOND TWO

TIME	TEAMS	SCORE	TEAMS	SCORE	GRADE	REMARKS
9:00-10:00	CHERU	18	V	GAZELLE	8	B
10:00-11:00	STINGERZ	25	V	WOLVES	5	B
11:00-12:45	CHERU	2	V	GAZELLE	4	A
12:45-14:00	STINGERZ	3	V	WOLVES	1	A
W/F	U-SISTERS A & B					

DIAMOND THREE

TIME	TEAMS	SCORE	TEAMS	SCORE	GRADE	REMARKS
9:00-10:00	WANTOKS	4	V	ADMIRALTY	8	B
10:00-11:00	BEARS	6	V	YOKOMO	18	B
11:00-12:45	WANTOKS	18	V	ADMIRALTY	1	A
12:45-14:00	BEARS	4	V	YOKOMO	3	A
W/F	U-SISTERS A & B					

Point Ladder

B GRADE LADDER

PLAYED	WON	DRAW	LOST	FORBET	POINTS	WON	POINTS	WON
CHERU	22	0	0	0	124	15	54	28
STINGERZ	22	0	0	0	121	16	22	27
YOKOMO	22	0	0	0	121	10	40	26
ADMIRALTY	22	0	0	0	86	18	23	25
BEARS	22	0	0	0	108	10	6	25
WOLVES	22	0	0	0	81	10	18	22
WANTOKS	22	0	0	0	74	10	18	20
GAZELLE	22	0	0	0	74	10	18	14
U-SISTERS	22	0	0	0	10	10	10	12

A GRADE LADDER

PLAYED	WON	DRAW	LOST	FORBET	POINTS	WON	POINTS	WON
STINGERZ	22	0	0	0	73	23	45	25
BEARS	22	0	0	0	96	17	29	28
U-SISTERS	22	0	0	0	60	18	22	24
WANTOKS	22	0	0	0	85	16	23	24
WOLVES	22	0	0	0	70	16	18	24
GAZELLE	22	0	0	0	74	11	5	24
CHERU	22	0	0	0	60	10	13	23
YOKOMO	22	0	0	0	60	10	10	17
ADMIRALTY	22	0	0	0	23	20	12	18



Kriket:

James Faulkner bai misim Australia Test tua long Saut Afrika taim em i bagarapim lek bilong em long Sande Fainal wan-de gem egens Inglan. Em bai go long sejeri long stretim lek bilong em.

Nu Saut Weils ol-raunder, Moises Henrique bai kisim ples bilong Faulkner na bai ol go long Saut Afrika.



Baisikol:

Australian saiklin star Simon Gerrans i namba tri rekot taital long baisikol resis long Tua Down Under long Australia dispela wik.

Long 2006 na 2012, em i winim ol dispela resis bilong em nae m i holim taital yet dispela yia na i mekim 15 yia histri mak long baisikol resis.



Nesenal Kepitol Distrik Komisen

Buai Tambu Hot lain

Nesenal Kepitol Distrik Komisen i singaut long ol pablik long tok-save long NCD sapos ol i lukim sampela lain i wok long salim buai long pablik ples na ol praivet ples insait long siti o stori bilong ol lain i save haitim buai na kisim i kam insait long siti.



Plis ringim dispela 24 aua Buai Tambu Tolfri Hot lain **72061111** long kotim ol lain husat i brukim lo bilong tambu long buai.

Olgeta toktok yu mekim bai i stap hait tasol

NCDC i laikim wanbel na helpim bilong yu long strongim tambu bilong salim buai long siti bilong yumi.

NCDC i stap long kamapim klin, helti na naispela Pot Mosbi, siti bilong yumi, na ples bilong yumi.

Authorised by

LESLIE ALU
Acting City Manager

Tenis:



Swiss press long Switsalen long Mande i singautim nupela sempion bilong ol long Australia Tennis Open Sempionship gem, Stanislas Wawrinka, "Impossible exploit" pikinini bilong Switsalen. Dispela Swiss pikinini i kamaut tasol long pilai i kilim lam bilong wol sempionsip pilaia, Roger Federer. Bihain em pilai wantaim difening sempion, Novak Djokovic long kota fainal long Melbon, na kilim dai lam bilong Rafael Nadal long fes bikpela taital.



Ragbi:

Liam Foran nupela rikrut bilong Paramatta Eels i kot long asalt sas bihain e mi paitim wanpela kandere bilong em long Januəri dispela yia. Em i gat 25 krismas na em i hafbek bilong Paramatta Eels, long taim em i kros long moni long haus bilong ol wantaim ol femili na kamapim dispela asua.



Bobslei:

Medal hop ... long dual snowboard kross wol sempion Alex Pullin. Ol Gol medalis Lydia Lassila, Torah Bright na Dale Begg-Smith i go pas long bikpela tim bilong Australia squad bai stap long Winta Olimpik Gem long Sochi. Bai ol i salens long wanpela ais gem ol i kolim bobslei we foapela bai stap insait long wanpela wilwil na wel i go daun long rot bilong dispela wilwil.



Ol spot eksen poto long wiken...



1: BAI REDI LONG TAIM: William Tynan, Site Supervisor bilong Fletcher Morobe i sanap na soim wanem hap ol i wok long en. Masi bikipela ren long Mosbi tasol William na ol wokman bilong em i no wari na malolo long wetim san bai kam. Ol hatim wok yet long pinisim dispela nupela bikipela Stadium long taim. Long narapela piksa long sait em nupela bikipela Stadium taim em pinis na redi long 2015 Pasifik Gems.

2: BETA: Yangpela na spit man bilong Wolves i redi long paitim bal. Ren i bagarapim dispela pilai bilong ol wantaim United Brothers long pilai bilong ol A gret man long Pot Mosbi.

3: SKOA: Bikipela boi bilong ol United Brothers i kam isi long hom bes long mekim skoa bilong ol i go antap long 4 poin.

4: EM BILONG MI: Tupela pilai bilong Wolves i resis long ketsim wanpela hai bal long sofbal pilai long wiken.

5: HOM RAN: Namba 3 bilong ol Bears i paitim wanpela hom ran na ol wan pilai bilong em i givim em hai faiv.

6: STRAIK: Bears beta i no redi taim bal i abrusim em na go stret long ketsa bilong Eagles.

Ol Poto Nicky Bernard.



Moa oil na meat insait

TUNA IN OIL

PNG bai kisim save bilong redi long Pasifik Gem

Guria i redi long 2014

- Pes 25



pas long dispela deligesen. Em bai go wantaim tupela arapela memba bilong GOC, Salote Doko na Sinedou Basinauro.

Misis Waiwai i tok Papua Niugini bai pilai long Komonwelt Gem olsem na em i impoten long GOC long go lukluk na kam bek wantaim ripot.

Narapela astingting bilong GOC long go em long kisim sampela tingting na save long rot bilong plening, long wanem, Pasifik Gems bai kamap long Papua Niugini, na GOC i laik mekim dispela ol gem i kamap gut.

GOC i gat strongpela tingting olsem ol i ken kisim planti gutpela tingting sapos ol i toktok wantaim ol komiti husat i go pas long 2014 Glasgow Komonwelt Gems.

Dispela deligesen bilong Papua Niugini bai i stap wantaim ol arapela delige-



SINEDOU Basinauro na Salote Doko, dispela tupela meri em ol memba bilong GOC, na ol bai kisim gutpela save long Chef De Miting long Skotlan long mekim 2015 Pasifik Gems i kamap gut.

sen bilong ol arapela kantri tu. Ol arapela deligesen i kam long ol arapela 71 kantri long wol, na ol i kam long dispela

Chef De Mission miting tu. Dispela miting bai i stat long 28 na pinis long 31 Janueri.

Papua Niugini bai pilai

long 10-pela ol spot long Komonwelt Gem, tasol fainel nem bilong ol etlit husat bai i stap long PNG skwat i no kamap yet.

Wol spot

- Pes 26

Ol spot poto

- Pes 27

EMMA Waiwai, i toktok long wanpela midia konpres.

GEMS Ogenaising Komiti (GOC) bilong 2015 Pasifik Gem i makim tripela memba bilong ol long go long Chef De Mission miting long Glasgow, Skotlan.

Siameri bilong GOC Emma Waiwai em meri husat ol i makim long go

Johnston's Pharmacies Ltd



Bouncing net



Sensi baby nappies

Baby Products





Heinz baby food



Sensi baby nappies

P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg